

富陽縣志卷十八

人物志

方志之重人物濫觴於漢汝南先賢襄陽耆舊關東風俗諸傳而北魏劉邵特以人物名志辨別流品研析疑似此後世人物標目之所祖也富春山水奇特甲於天下孫吳崛起雄豪大俠踔發一時越漢而宋謝李兩門尤彬彬爾雅 國朝鍾毓稍毅然二董父子繼武南齋經濟文章猶膾炙人口古者過里必式蓋人以地靈亦地以人重也至鄉黨束脩之士負一藝一行高蹈自晦者尤難指數

富陽縣志

卷十八人物上

周之宋

特欲區分門類猶之方人我則不暇今仿范成大吳郡志之例概曰人物不標類目以年代為先後至列女方技方外流寓四項不得概稱為人物究亦人物之支流今附於後仍因其名而名之志人物

周

顏祖字襄孔子弟子宋封富春侯從祀廟庭

舊仍。按家語作顏相魯

人辨見封爵考今姑從宣德舊志作富春人

漢

嚴光字子陵

本姓莊史因避明帝諱改稱嚴

本會稽餘姚人也少有高名

與光武同遊學新莽屢聘抗志不屈及光武卽位乃變姓名遜帝思其賢令物色訪之後齊國上言有一男子披羊裘釣澤中帝疑爲光備安車元纁遣使聘之再三反而後至舍於北軍給牀褥大宮朝夕進膳司徒侯霸與光素舊光投札與之曰君房足下位至鼎足甚善懷仁輔義天下悅阿諛順旨要領絕霸得書封奏之帝笑曰狂奴故態也車駕卽日幸其館光臥不起帝卽其臥所撫其背曰咄咄子陵不可相助爲理邪光不應良久張目熟視曰昔唐堯著德巢父洗耳士故有志何至相迫乎帝曰子陵我竟不能下汝邪於是升輿嘆息而去復

富陽縣志

卷十八人物上

周之宋

二

引光入論道舊故相對累日帝從容問光曰朕何如昔時對曰陛下差增於往因共偃臥光以足加帝腹上明日太史奏客星犯帝座甚急帝笑曰朕故人嚴子陵其臥耳除爲諫議大夫不屈乃耕釣富春山後人名其釣處爲嚴陵瀨焉建光十七年復特徵不至年八十終於

家帝傷悼之詔下郡縣賜錢百萬穀千斛

舊仍○按東觀漢記曰嚴

光耕於富春山後人名其釣處爲嚴陵瀨後漢書嚴光本傳註富春今杭州富陽縣後人指其釣處爲嚴陵瀨今已入桐廬又沈約宋書云吳分富春爲桐廬是桐廬實富春舊境也而光之所隱當不在今富陽已及考太平寰宇記富陽赤亭山嚴子陵釣於此有臺基存郡邑志云赤松山在縣東七里亦曰赤亭山嚴子陵釣於此則七里灘雖屬桐廬赤亭山自屬富陽又富陽縣西南四十里桐州石灘世傳爲光垂釣處宋胡寅記之頗詳

由是而論子陵往來耕釣原非一處則今之富陽亦自有嚴子陵釣臺不可謂不隱於此也

申屠蟠字子龍本陳留外黃人也少孤哀毀逾禮人稱至孝家貧傭爲漆工郭泰見而奇之蔡邕深重蟠及被州辟固辭讓之召爲主簿不行遂隱居博貫五經兼明圖緯太尉黃瓊辟之不就及瓊卒乃往會葬再舉有道不就京師遊士汝南范滂等清議褒貶公卿爭折節下之太學生爭慕其風蟠獨嘆曰昔戰國處士橫議列國之主至爲擁篲先驅卒有坑儒焚書之禍乃絕迹於梁碭之間因樹爲屋自同傭人居二年滂等果罹黨錮蟠超然免於議論大將軍何進連徵不詣中平五年復與荀

富陽縣志

卷十八人物上

周之業

三

爽等並徵不至明年董卓復公車徵蟠及爽等人咸勸之蟠笑而不應及亂公卿多家室流散獨蟠終全高志世傳蟠避亂居富春山中因名其山曰申屠山子孫家焉舊仍

孫鍾性至孝以種瓜爲業瓜甚美好施每遇賢達長者必設瓜相餉今瓜橋步所謂瓜田是也感神指示葬地於縣南陽平山數有光怪靈氣五色上屬於天由是知孫氏之興後至子堅孫策權果符其兆太平元年孫亮爲

立廟稱太祖廟

舊仍。按咸淳臨安志孫鍾傳載嘗有

少年詣鍾鍾獻瓜謂曰子司命也以君孝感於天故來耳遂指山曰此堪爲墓鍾志之及卒葬焉墳上嘗有紫雲蔓延數里郭璞水經注謂孫鍾墓

在縣南十里陽平山其地在今大源鎮相傳墓在杜澤廟神座之下又按三國志孫堅傳不稱父名寰宇記謂堅所居其祖種瓜郡縣舊志謂堅其元孫則今志稱鍾爲堅父者非

孫堅字文臺蓋孫武之後也少爲縣吏年十七與父共載船至錢唐會海賊胡玉等從匏里上掠取賈人財物方於岸上分之行旅皆住船不敢進堅謂父曰此賊可擊請討之父曰非爾所圖也堅行操刀上岸以手東西指麾若分部人兵以羅遮賊狀賊望見以爲官兵捕之卽委財物散走堅追斬得一級以還父大驚由是顯聞府召署假尉會稽妖賊許昌起於句章自稱陽明皇帝與其子韶扇動諸縣眾以萬數堅以郡司馬召募精勇得

富陽縣志

卷十六人物上

周之宋

四

千餘人與州郡合討破之是歲熹平元年也刺史臧旻列上功狀詔書除堅鹽漬丞數歲徙盱眙丞又徙下邳丞中平元年黃巾賊帥張角起於魏郡託有神靈遣八使以善道教化天下而潛相連結自稱黃天太平三月甲子三十六萬一旦俱發天下響應燔燒郡縣殺害長吏漢遣車騎將軍皇甫嵩中郎將朱儁將兵討擊之儁表請堅爲佐軍司馬鄉里少年隨在下邳者皆願從堅又募諸商旅及淮泗精兵合于許人與儁并力奮擊所向無前汝潁賊困迫走保宛城堅身當一面登城先入眾乃蟻附遂大破之儁具以狀聞上拜堅別部司馬邊

章韓遂作亂涼州中郎將董卓拒討無功中平三年遣
司空張溫行車騎將軍西討章等溫表請堅與參軍事
屯長安溫以詔書召卓卓良久乃詣溫溫責讓卓卓應
對不順堅時在坐前耳語謂溫曰卓不怖罪而鳴張大
語宜以召不時至陳軍法斬之溫曰卓素著威名於隴
蜀之間今日殺之西行無依堅曰明公親率天兵威震
天下何賴於卓觀卓所言不假明公輕上無禮一罪也
章遂跋扈經年當以時進討而卓云未可沮軍疑眾二
罪也卓受任無功應召稽留而軒昂自高三罪也古之
名將仗鉞臨眾未有不斬以示威者也是以穰苴斬

富陽縣志

卷十八人物上

周之宋

五

莊賈魏絳戮揚干今明公垂意於卓不卽加誅虧損威
刑於是在矣溫不忍發舉乃曰君且還卓將疑人堅因
起出章遂聞大兵向至黨眾離散皆乞降軍還議者以
軍未臨敵不斷功賞然聞堅數卓三罪勸溫斬之無不
嘆息拜堅議卽時長沙賊區星自稱將軍眾萬餘人攻
圍城邑乃以堅爲長沙太守到郡親率將士施設方畧
旬月之間克破星等周朝郭石亦率徒眾起於零桂與
星相應遂越境尋討三郡肅然漢朝錄前後功封堅烏
程侯靈帝崩卓擅朝政橫恣京城諸州郡並興義兵欲
以討卓堅亦舉兵荊州刺史王叡素遇堅無禮堅過殺

之比至南陽眾數萬人南陽太守張咨聞軍至晏然自若堅以牛酒禮咨咨明日亦答詣堅酒酣長沙主簿入白堅前移南陽而道路不治軍資不具請收主簿推問意故咨大懼欲去兵陳四周不得出有頃主簿復入白堅南陽太守稽停義兵使賊不時討請收出案軍法從事便牽咨於軍門斬之郡中震慄無求不獲前到魯陽與袁術相見術表堅行破虜將軍領豫州刺史遂治兵於魯陽城當進軍討卓遣長史公仇稱將兵從事還州督促軍糧施帳幔於城東門外祖道送稱官屬並會卓遣步騎數萬人逆堅輕騎數十先到堅方行酒談笑敕

部曲整頓行陣無得擅動後騎漸益堅徐罷坐導引入城乃謂左右曰向堅所以不卽起者恐兵相蹈藉諸君不得入耳卓兵見堅士眾甚整不敢攻城乃引還堅移屯梁東大爲卓軍所攻堅與數十騎潰圍而出堅常著赤罽幘乃脫幘令親近將祖茂著之卓騎爭逐茂故堅從間道得免茂困迫下馬以幘冠冢間燒柱因伏草中卓騎望見圍繞數重定近覺是柱乃去堅復相收兵合戰於陽人大破卓軍梟其都督華雄等是時或問堅於術術懷疑不運軍糧陽人去魯陽百餘里堅夜馳見術畫地計校曰所以出身不顧上爲國家討賊下爲將軍

家門之私讐堅與卓非有骨肉之怨也而將軍受譖濶
之言還相嫌疑術踣踏卽調發軍糧堅還屯卓憚堅猛
壯乃遣將軍李傕等來求和親令堅列疏子弟任刺史
郡守者許表用之堅曰卓逆天無道蕩覆王室今不夷
汝三族縣示四海則吾死不瞑目豈將與乃和親邪復
進軍大谷距雒九十里卓尋徙都西入關焚燒雒邑堅
乃前入至雒修諸陵平塞卓所發掘訖引軍還住魯陽
初平三年術使堅征荊州擊劉表表遣黃祖逆於樊鄧
之間堅擊破之追渡漢水遂圍襄陽單馬行峴山爲祖
軍士所射殺兄子賁帥將士眾就術術復表賁爲豫州
舊仍

富陽縣志

卷十八人物上

周之宋

七

刺史堅四子策權翊匡權旣稱尊號諡堅曰武烈皇帝

舊仍

孫靜字幼臺堅季弟也堅始舉事靜糾合鄉曲及宗室五
六百人以爲保障策破劉繇定諸縣進攻會稽遣人詣
靜靜將家屬與策會於錢唐是時太守王朗拒策於固
陵策數渡水戰不能克靜說策攻其無備分軍投查瀆
道襲高遷屯破之遂定會稽表拜靜爲奮武校尉靜戀
墳墓宗族不樂出仕留鎮守權統事就遷昭義中郎將
終於家

舊仍

吳景吳人徙富春早孤姊適孫堅景隨堅征伐有功拜騎

都尉興平元年袁術表景領丹陽太守討故太守周昕據其郡與孫策共討涇縣山賊祖郎祖敗走會劉繇以揚州刺史來蒞郡景復北依術以爲督軍中郎將其攻橫江秣陵時策被創牛渚降賊復反景討盡禽之從攻劉繇繇奔豫章策遣景報術術以爲廣陵太守後術僭號景卽委郡東歸建安元年復以景領丹陽朝命景爲揚武將軍領郡如故八年卒子奮封新亭侯

舊仍

孫策字伯符堅子初堅興義兵留家壽春策將母徙居舒與周瑜相友結納士大夫江淮間人咸向之堅卒還葬曲阿策年十七乃渡江居江都徐州牧陶謙深忌策策

富陽縣志

卷十八人物上

周之宋

八

舅吳景時爲丹陽太守策乃載母徙曲阿與呂範孫河俱就景召募得數百人興平元年從袁術術甚奇之以堅部曲還策太傅馬日磾仗節安集關東在壽春以禮辟策表拜懷義校尉術大將喬蕤張勳皆傾心事焉術嘆曰使術有子如孫郎死復何恨策騎士有罪逃入術營隱於內廐策指使人就斬之訖詣術謝術曰兵人好叛當其疾之何爲謝也由是軍中益畏憚之術初許策爲九江太守已而更用丹陽陳紀後術欲攻徐州從廬江太守陸康求米三萬斛康不與術大怒策昔曾詣康康不見使主簿接之策常銜恨術遣策攻康謂曰前錯

用陳紀每恨本意不遂今若得康廬江眞卿有也策攻康拔之術復用其故吏劉勳爲太守策益失望先是劉繇爲揚州刺史州舊治壽春術已據之繇東渡江治曲阿時吳景尙在丹陽策從兄賁又爲丹陽都尉繇至皆追逐之景賁退舍歷陽繇遣將樊能于糜陳橫屯江津張英屯當利口以拒術術用故吏琅邪惠衢爲揚州刺史更以景爲督軍中郎將與賁共將兵擊之連年不克策乃說術乞助景等平定江東術表策爲折衝校尉行殄寇將軍兵財千餘騎數十匹賓客願從者數百人比至歷陽眾五六千策母先自曲阿徙於歷陽又徙

母阜陵渡江轉鬪莫敢當其鋒而軍令整肅百姓懷之策爲人美姿顏好笑語性闊達善用人士民見者莫不盡心樂爲致死劉繇棄軍遁諸郡守皆捐城郭奔走吳人嚴白虎等眾各萬人處處屯聚吳景等欲先擊破虎等乃至會稽策曰虎等羣盜非有大志此成禽耳遂引兵渡浙江據會稽乃攻破虎等盡更置長吏策自領會稽太守復以吳景爲丹陽太守以孫賁爲豫章太守分豫章爲廬陵郡以賁弟輔爲廬陵太守丹陽朱治爲吳郡太守彭城張昭廣陵張紘秦松陳端等爲謀主時袁術僭號策以書責而絕之曹操表策爲討逆將軍封爲

吳侯後術死長史楊宏大將張勳等將其眾欲就策廬江太守劉勳要擊悉鹵之收其珍寶以歸策聞之僞與勳好盟勳新得術眾時豫章上繚宗民萬餘家在江東策勸勳攻取之勳既行策輕軍晨夜襲拔廬江勳眾盡降勳獨與麾下數百人自歸曹操是時操方欲撫策吳曰曹公聞策平定江南意甚難之常呼劉兒難與爭鋒也乃以女弟配策小弟匡又爲子章取賁女復禮辟策弟權翊又舉權茂才建安五年操與袁紹相拒於官渡策陰欲襲許迎漢帝密治兵部署諸將未發會爲故吳郡太守許貢客所擊傷創甚請張昭等謂曰中國方亂夫以吳越之眾三江之固足

富陽縣志

卷十八人物上周之宋

十

以觀成敗公等善相吾弟呼權佩以印綬語曰舉江東之眾決機於兩陣之間與天下爭衡卿不如我舉賢任能各盡其心以保江東我不如卿至夜卒時年二十六權稱尊號追諡策曰長沙桓王封子紹曰吳侯後改上虞侯舊仍

孫翊字叔弼堅第三子也驍悍果烈有兄策風太守朱治舉爲孝廉建安八年以偏將軍領丹陽太守時年二十爲左右邊鴻所殺弟匡字季佐舉孝廉茂才未試用卒時年二十餘舊仍

孫賁字伯陽父羗字聖壹爲堅同產兄賁早失一親弟輔

嬰孩賁自贍育友愛甚篤爲郡督郵守長堅於長沙舉
義兵賁從征伐堅卒賁攝率餘眾扶柩歸葬後袁術徙
壽春賁又依之術遣賁攻破周昂於陰陵表賁領豫州
刺史轉丹陽都尉討平山越爲揚州刺史劉繇所迫逐
因將士眾還歷陽頃之術復使賁與吳景共擊樊能張
英等策東渡率賁景破英能等遂進擊繇繇走豫章策
遣賁景報術值術僭號除賁九江太守賁不就還江南
後從策征廬江太守劉勣江夏太守黃祖軍回聞繇病
死遂定豫章策上賁領太守尋封都亭侯建安十三年
奉詔拜征虜將軍領郡如故卒於官 舊仍

富陽縣志

卷十八人物上

周之宋

十一

孫輔字國儀賁弟也以揚武校尉佐孫策平三郡策討丹
陽七縣使輔西屯歷陽拒袁術并招誘餘民又從策討
陵陽生得祖郎等策西襲廬江輔身先士卒有功策立
輔爲廬江太守撫定屬城遷平南將軍假節領交州刺
史因遣使與曹操相聞事覺權幽繫之數歲卒 舊仍

孫河字伯海堅族子也出後姑俞氏後復姓爲孫河質性
忠直訥言敏行有氣幹能服勤少從堅征討常爲長驅
後領左右兵典知內事待以腹心之任又從策平定吳
會從權討李術術破拜威寇中郎將領廬江太守後爲
將軍屯京城及翊遇害馳赴宛陵怒責媯覽戴員二人

遂殺河朔帳下高嬰等殺覽員

新採

徐琨孫堅甥也少仕州郡漢末世亂去吏隨堅征伐有功拜偏將軍堅薨隨孫策討樊能于糜等於橫江擊張英於當利口破之又走笮融劉繇功冠諸將策表琨領丹陽太守以督軍中郎將領兵從破廬江太守李術封廣德侯遷平虜將軍後從討黃祖中流矢卒子矯嗣侯封討平山越拜偏將軍卒弟祚襲封祚亦以戰功至蕪湖督平魏將軍舊仍

東吳

孫權字仲謀堅仲子也生而方頤大口目有精光性度弘

富陽縣志

卷十八人物上

周之宋

三

朗仁而多斷好俠養士侔於父兄兄策既定諸郡時權年十五以爲陽羨長參同計謀策甚奇之以爲不及郡察孝廉州舉茂才行奉義校尉漢以策遠修職貢遣使者劉琬加錫命琬語人曰吾觀孫氏兄弟雖各才秀明達然皆祿祚不終惟中弟孝廉形貌奇偉骨體不恆有大貴之表年亦最壽建安四年從策征廬江太守劉勳勳破進討黃祖於沙羨五年策薨以事授權權哭未及息長史張昭謂權曰孝廉此豈哭時耶乃改易權服扶令上馬使出巡軍是時惟有會稽吳郡丹陽豫章廬陵然深險之地猶未盡從而天下英豪布在州郡賓旅寄

寓之士以安危去就爲意未有君臣之固張昭周瑜等謂權可與其成大業故委心而服事焉曹操表權爲討虜將軍領會稽太守屯吳使丞之郡行文書事待張昭以師傅之禮而周瑜程普呂範等爲將率招延俊秀聘求名士魯肅諸葛瑾等始爲賓客分部諸將鎮撫山越討不從命七年母夫人吳氏薨八年西伐黃祖破其舟軍惟城未克而山寇復動還過豫章使呂範平鄱陽會稽程普討樂安太史慈領海昏韓當周泰呂蒙等爲劇縣令長十二年西征黃祖虜其人民而還十三年復征黃祖大破之屠其城祖挺身逃走騎士追梟其首虜其

男女數萬口是歲黟歙平分六縣爲新都郡荆州牧劉表死魯肅乞奉命弔表二子且以觀其變未到而曹操已臨其境表子琮舉眾以降劉備欲南濟江肅與相見因傳權旨爲陳成敗備進駐夏口使諸葛亮詣權權遣周瑜程普等行是時曹操新得表眾形勢甚盛遣權書曰今治水軍八十萬與將軍會獵於吳權以書示羣臣議者多勸權迎之惟瑜肅執拒之議意與權同瑜普爲左右督各領萬人與備俱進遇於赤壁大破曹軍操引退士卒饑疫死者大半備瑜等復追至南郡操遂北還留曹仁於江陵使樂進守襄陽時甘甯在江陵與凌統

拒仁勝之權自率眾圍合肥踰月城不能下操遣張喜將騎赴救未至權退十四年曹仁委城走權以周瑜爲南郡太守劉備表權行車騎將軍領徐州牧備領荊州牧屯公安十五年以魯肅爲長沙太守屯陸口十六年權徙治秣陵明年城石頭改秣陵爲建業聞曹操將來侵作濡須塢十八年曹操攻濡須權與相拒月餘操望權軍整肅歎曰生子當如孫仲謀若劉景升兒子豚犬耳權與操牋曰春水方生公宜速去別紙言足下不死孤不得安操得牋語諸將曰孫權不欺孤乃徹軍還十九年權征皖城克之獲廬江太守朱光及男女數萬口

是歲劉備定蜀權以備已得益州令諸葛瑾索還荊州諸郡備不許曰吾方圖涼州涼州定乃以荊州與吳耳權曰此假而不反而欲以虛辭引歲遂置南三郡長吏關羽盡逐之權大怒乃遣呂蒙督兵二萬取長沙零陵桂陽三郡使魯肅以萬人屯巴邱禦關羽權住陸口爲諸軍節度蒙到三郡皆服會曹操入漢中備懼失益州使使求和權令諸葛瑾報更尋盟好遂分荊州長沙江夏桂陽以東屬權南郡零陵武陵以西屬備權反自陸口遂征合肥未下徹軍還兵皆就路權與凌統甘甯等在津北爲魏將張遼所襲統等以死捍權權乘駿馬越

津橋得逸去二十一年曹操復攻濡須權令都尉徐詳
詣操請降操報使脩好誓重結婚二十四年關羽圍曹
仁虜于禁等權內憚羽外欲以爲己功牋與曹操乞以
討羽自效先遣呂蒙襲公安獲將軍士仁蒙到南郡太
守糜芳以城降蒙據江陵撫老弱釋于禁之囚陸遜別
取宜都獲秭歸枝江夷道還屯夷陵守峽口以備蜀羽
還當陽西保麥城權使誘之羽僞降立幡旗爲象人於
城上因遁走兵皆解散尙十餘騎權先使朱然潘璋斷
其徑路璋司馬馬忠獲羽及其子平都督趙雲等於章
鄉遂定荊州曹操表權爲驃騎將軍假節領荊州牧封

富陽縣志

卷十八人物上周之宋

十五

南昌侯二十五年曹操薨子丕代爲丞相旋稱尊號改
元爲黃初劉備稱帝於蜀權自公安都鄂改名武昌郡
五月建業言甘露降八月城武昌下令諸將使勿忘武
備稱藩於魏并遣于禁等還魏策命謂忠肅內發欵誠
外昭封爲吳王使使持節授璽綬策書又加九錫是歲
劉備帥軍來伐權使陸遜督朱然潘璋等拒之遣都尉
趙咨使魏魏丕問吳王何等主咨對曰聰明仁智雄畧
之主也不問狀咨曰納魯肅於几品是其聰也拔呂蒙
於行陣是其明也獲于禁而不害是其仁也取荊州兵
不血刃是其智也據三州虎視天下是其雄也屈身於

陛下是其畧也魏欲封權子登權以年幼辭遂立登爲太子黃武元年鄱陽言黃龍見蜀軍分據險地前後五十餘營陸遜隨輕重以兵應拒大破之臨陣所斬及投兵降首數萬人備奔走僅以身免初權外託事魏而誠心不歎魏遣侍中辛毗尙書桓階徵任子權不受命乃命曹休等分道來伐權遣呂範等分道相拒時揚越蠻夷未平內難未弭權卑辭上書求自改悔魏丕得書卽日下詔勅諸軍但深溝高壘不得妄進冬十一月兩軍復相攻殺權使大中大夫鄭泉聘劉備於白帝始復通好然猶與魏丕相往來二年權推五德之運以爲土行

富陽縣志

卷十八人物上

周之宋

六

用未祖辰臘三月魏軍皆退羣臣勸卽尊號不許四月劉備薨於白帝五月曲阿言甘露降三年遣中郎將張溫於蜀報鄧芝之聘也魏丕來伐出廣陵望大江曰彼都有人未可圖也乃還權令趙達推算之曰曹丕已走雖然吳衰庚子歲權問年幾何達屈指計曰五十八年權曰今日之憂不暇及遠此子孫事也四年皖曰言木連理是冬魏丕復至廣陵觀兵兵十餘萬有渡江之志時大寒冰舟不得行丕見波濤洶涌嘆曰嗟乎固天所以隔南北也遂歸五年春以所在少穀權父子親自受田并令諸將增廣農畝蒼梧言鳳凰見分三郡惡地十

縣置東安郡以全琮爲太守討平山越陸遜陳便宜勸以施德緩刑寬賦息調納之令有司盡寫科條就遜及諸葛瑾損益之七年封子慮爲建昌侯罷東安郡鄱陽太守周魴僞叛誘魏將曹休權至皖口使將軍陸遜督諸將大破休於石亭黃龍元年夏日武昌並言黃龍鳳凰見百官公卿皆勸卽正遂於丙申南郊卽皇帝位是日大赦改元追尊父破虜將軍堅爲武烈皇帝母吳氏爲武烈皇后兄討逆將軍策爲長沙桓王子登爲皇太子將吏皆進爵有差初興平中吳中童謠曰黃金車班蘭耳闔昌門出天子六月蜀遣衛尉陳震來慶踐位權

富陽縣志

卷十八人物上

周之宋

十七

乃參分天下豫青徐幽屬吳兗冀并涼屬蜀其司州之士以函谷關爲界造爲盟詞殺牲歃血昭告神明九月遷都建業以大將軍陸遜輔太子登掌武昌留事二年詔立都講祭酒以教學諸子長老傳言秦始皇帝遣方士徐福將童男女數千人入海求蓬萊神山及仙藥止夷洲及亶洲不還乃遣將軍衛溫將甲士萬人浮海求之亶洲遠不得至得夷洲數千人而還三年夏有野蠶成繭大如卵由拳野稻自生改爲禾興縣十二月丁卯大赦改明年爲嘉禾元年魏遼東太守公孫淵稱藩於權并獻貂馬權大悅加淵爵位二年使太常張彌等將

兵萬人輦金寶珍貨九錫備物乘海授淵舉朝皆諫權不聽淵果斬彌等送首於魏沒其兵資權大怒欲自征淵尙書僕射薛綜等切諫乃止三年九月朔隕霜殺穀四年秋七月雨雹魏使以馬求易珠璣翡翠瑋瑁權以無用易有用聽其交易五年春鑄大錢一當五百詔使吏民輸銅計銅畀直設盜鑄之科二月武昌言甘露降十月彗星見於東方鄱陽賊彭旦等爲亂六年定奔喪科禁詔曰爲忠臣不得爲孝子宜定科文示以大辟二月陸遜討彭旦等皆破之赤烏元年鑄當千大錢八月武昌言麒麟見有司奏爲太平之應宜改年號詔曰間

富陽縣志

卷十八人物上

周之宋

六

者赤烏見於殿前朕所親見若神靈以爲嘉祥者改年宜以赤烏爲元步夫人卒追贈皇后因信任校事呂壹姦罪發露伏誅引咎責躬并詔責羣臣盡言直諫比管仲之於齊桓二一年春零陵言甘露降五月城沙羨二一年春詔吏不得侵奪民時以致饑困夏四月大赦詔諸郡縣治城郭起譙樓穿塹發渠以備盜賊冬民饑詔開倉廩以賑四年春正月大雪平地深三尺鳥獸死者大半車騎將軍朱然圍樊大將軍諸葛瑾取租中五月太子登卒魏司馬宣王救樊軍還五年春立子和爲太子大赦改禾興爲嘉興百官奏立皇后及四王不聽三月海

鹽縣言黃龍見四月禁進獻御減太官膳八月立子霸
爲魯王六年春新都言白虎見司馬宣王率軍入舒諸
葛恪自皖遷於柴桑七年秋宛陵言嘉禾生步騭等上
疏離蜀不聽八年夏雷霆犯宮門柱又擊南津大橋楹
茶陵縣洪水溢出流漂居民二百餘家七月將軍馬茂
等圖逆夷三族八月大赦九年夏四月武昌言甘露降
十年二月權適南宮三月改作太初宮諸將及州郡皆
義作十月赦死罪十一年正月朱然城江陵二月地仍
震三月宮成四月雨雹雲陽言黃龍見五月鄱陽言白
虎仁詔以雖休勿休公卿百司其勉修所職以匡不逮

富陽縣志

卷十八人物上

周之宋

十九

十二年四月有兩烏銜鵲墮東館驃騎將軍朱據燎鵲
以祭十三年五月熒惑入南斗七月犯魁第二星而東
八月丹陽句容及故鄣甯國諸山崩洪水溢詔原逋責
給貸種食廢太子和處故鄣魯王霸賜死十一月立子亮
爲太子遣軍十萬作堂邑涂塘以淹北道是歲神人授
書告以改元太元元年五月立皇后潘氏初臨海羅陽
縣有神自稱王表周旋民間語言飲食與人無異然不
見形又有一婢名紡績是月遣中書郎李崇齎輔國將
軍羅陽王印綬迎表表隨崇俱出與崇及所在郡守令
長談論崇等無以易所歷山川輒遣婢與其神相聞秋

七月崇與表至權於蒼龍門外爲立第舍數使近臣齎酒食往表說水旱小事往往有驗八月朔大風江海涌溢平地深八尺吳高陵松柏斯拔郡城南門飛落十一月大赦權祭南郊還寢疾驛徵大將軍恪拜爲太子太傅詔省繇役減征賦除民所患苦二年春立故太子和爲南陽王居長沙子奮爲齊王居武昌子休爲琅邪王居虎林二月大赦改元爲神鳳皇后潘氏薨諸將吏數詣王表請福表亡去夏四月權薨時年七十一謚曰大皇帝七月葬蔣陵少子亮立亮字子明幼聰慧在位六年爲大將軍孫綝所黜時年方十六迎琅邪王休嗣立

富陽縣志

卷十六人物上

周之宋

二十

休字子烈權第六子銳意典籍因綝秉權不得有所作爲在位七年薨孫皓立皓爲故太子和子昏淫無道天璽四年晉兵入建業皓降晉封爲歸命侯吳亡歷四主

高國五十九年

新纂

孫登字子高權長子也魏黃初二年以權爲吳王拜登東中郎將封萬戶侯登辭侯不受是歲立登爲太子選置師傅銓簡秀士以爲賓友於是諸葛恪張休顧譚陳表等以選入侍講詩書出從騎射權欲登讀漢書習知近代之事以張昭有師法重煩勞之乃命休從昭受讀還以授登登待接寮屬畧用布衣之禮與恪休譚等或同

輿而載或共帳而寐太傅張溫言於權曰夫中庶子官最親密切問近對宜用篤德於是乃用表等爲中庶子後以庶子禮拘復令整巾侍坐黃龍元年權稱尊號立爲皇太子以恪爲左輔休爲右弼譚爲輔正表爲翼正都尉是爲四友而謝景范慎刁玄羊衡等皆爲賓客於是東宮號爲多士權遷都建業徵上大將軍陸遜輔登鎮武昌領宮府留事登或射獵當由徑道常遠避良田不踐苗稼至所頓息又擇空閑之地其不欲煩民如此嘗乘馬出有彈丸過左右求之有一人操彈佩丸咸以爲是辭對不服從者欲捶之登不聽使求過丸比之非

類乃見釋又失盛水金馬孟覺得其主左右所爲不忍致罰呼責數之長遣歸家勅親近勿言後弟慮卒權爲之降損登晝夜兼行到賴鄉自聞卽時召見見權悲泣因諫曰慮寢疾不起此乃命也方今朔土未一四海喁喁天戴陛下而以下流之念減損太官殺饌過於禮制臣竊憂惶權納其言爲之加膳住十餘日欲遣西還深自陳乞以久離定省子道有闕又陳陸遜忠勤無所顧憂權遂留焉嘉禾三年權征新城使登居守總知留事時年穀不豐頗有盜賊乃表定科令所以防禦甚得止姦之要初登所生庶賤徐夫人少有母養之恩後徐氏

以妬廢處矣而步夫人最寵步氏有賜登不敢辭拜受而已徐氏使至所賜衣服必沐浴服之登將拜太子辭曰本立而道生欲立太子宜先立后權曰卿母安在對曰在吳權默然立凡二十一年年三十三卒臨終上疏曰臣以無狀嬰抱篤疾自省微劣懼卒隕斃臣不自惜念當委離供養埋瘞后土長不復奉望宮省朝覲日月生無益於國死貽陛下重感以此爲哽結耳臣聞死生有命長短自天周晉顏回有上智之才而尙夭折况臣愚陋年過其壽生爲國嗣沒高榮祚於臣已多亦何悲恨哉方今大事未定逋寇未討萬國喁喁係命陛下危

富陽縣志

卷十八人物上

周之宋

三

者望安亂者仰治願陛下棄忘臣身割下流之恩修黃老之術篤養神光加羞珍膳廣開神明之慮以定無窮之業則率土幸賴臣死無恨也皇子和仁孝聰哲德行清茂宜早建置以繫民望諸葛恪才畧博達器任佐時張休顧譚謝景皆通敏有識斷入宜委腹心出可爲爪牙范慎華融矯矯壯節有國士之風羊術辯捷有專對之材刁玄優宏志履道真裴欽博記翰采足用蔣修虞翻志節分明凡此諸臣或宜廊廟或任將帥皆練時事明習法令守信固義有不可奪之志此皆陛下日月所照選置臣宮得與從事備知情素敢以陳聞臣重惟當

今方外多虞師旅未休當厲六軍以圖進取軍以人爲
眾眾以財爲寶竊聞郡縣頗有荒殘民物凋弊姦亂萌
生是以法令煩滋刑辟重切臣聞爲政聽民律令與時
推移誠宜與將相大臣詳擇時宜博采眾議寬刑輕賦
均息力役以順民望陸遜忠勤於時出身憂國審審在
公有匪躬之節諸葛瑾步騭朱然全琮朱據呂岱吾粲
闕澤嚴畷張承孫怡忠於爲國通達治體可令陳上使
宜蠲除苛煩愛養士馬撫循百姓五年之外十年之內
遠者歸服近者盡力兵不血刃而大事可定也臣聞鳥
之將死其鳴也哀人之將死其言也善故子囊臨終遺

富陽縣志

卷十八人物上

周之朱

三

言戒時君子以爲忠豈況臣登其能已乎願陛下留意
聽采臣雖死之日猶生之年也旣絕而後書聞權益以
摧感言則滂涕是歲赤烏四年也謝景時爲豫章太守
不勝哀情棄官奔赴拜表自劾權曰君與太子從事異
於他吏使中使慰勞聽復本職發遣還郡謚登曰宣太
子新採

孫慮字子智登弟也少敏惠有才藝權器愛之黃武七年
封建昌侯後二年丞相雍等奏慮性聰體達所尙日新
北方近漢宜進爵稱王權未許久之尙書僕射存上疏
曰帝王之興莫不褒崇至親以光羣后故魯衛於周寵

冠諸侯高帝五王封列於漢所以藩屏本朝爲國鎮衛
建昌侯慮稟性聰敏才兼文武於古典制宜正名號陞
下謙光未肯如舊羣僚大小咸用於邑方今奸寇恣睢
金鼓未弭腹心爪牙惟親與賢輒與丞相雍等議咸以
慮宜爲鎮軍大將軍授任偏方以光大業權乃許之於
是假節開府治半州慮以皇子之尊富於春秋遠近嫌
其不能留意及至臨事遵奉法度敬納師友過於眾望
年二十嘉禾元年卒

新採

孫和字子孝慮弟也少以母王氏有寵見愛年十四爲置
宮衛使中書令闕澤教以書藝好學下士甚見稱述赤

富陽縣志

卷十八人物上

周之宋

二十六

烏五年立爲太子時年十九闕澤爲太傅薛綜爲少傅
而蔡穎張純封備嚴維等皆從容侍從是時有司頗以
條書問事和以爲奸妄之人將因事錯意以生禍心不
可長也表宜絕之又都督劉寶白庶子丁晏晏亦白寶
和謂晏曰文武在事當能幾人因隙構薄圖相危害豈
有福哉遂兩釋之使之從厚常言當世士人宜講修術
學校習射御以周世務而但交游博奕以妨事業非進
取之謂後羣寮侍宴言及博奕以爲妨事費日而無益
於用勞精損思而終無所成非所以進德修業積累功
緒者也且志士愛日惜力君子慕其大者高山景行恥

非其次夫以天地長久而人居其間有白駒過隙之喻
年齒一暮榮華不再凡所患者其於人情所不能絕誠
能絕無益之欲以奉德義之塗棄不急之務以修功業
之基其於名行豈不善哉夫人情猶不能無嬉娛嬉娛
之好亦在於飲宴琴書射御之間何必博奕然後爲歡
乃命侍坐者八人各著論以矯之於是中庶子韋曜退
而論奏和以示賓客時蔡穎好奕直事在署者頗數焉
故以此諷之是後王夫人與全公主隙權嘗寢疾和祠
祭於廟和妃叔父張休居近廟邀和過所居全公主使
人覬視因言太子不在廟中專就如家計議又言王夫

富陽縣志

卷十八人物上

周之宋

三

人見上寢疾有喜色權由是發怒夫人憂死而和寵稍
損懼於廢黜魯王霸覬覦滋甚陸遜吾粲顧譚等數陳
適庶之義理不可奪全寄楊竺爲魯王霸支黨譖愬日
興權沈吟者歷年後遂幽閉和於是驃騎將軍朱據尙
書僕射屈晃率諸將吏泥頭自縛連日詣闕請和權登
白爵觀見甚惡之勅據晃等無事忿忿權欲廢和立亮
無難督陳正五營督陳象上書稱引晉獻公殺申生立
奚齊晉國擾亂又據晃固諫不止權大怒族誅正象等
竟徙和於故鄣羣司坐諫誅放者十數眾咸寃之太元
二年封和爲南陽王遣之長沙四月權薨孫峻奪和璽

綬徙新都又遣使者賜死和與妃張辭別張曰吉凶當相隨終不獨生活也亦自殺舉邦傷焉

新採

孫瑜字仲異靜次子始以恭義校尉領兵眾時賓客諸將多江西人瑜虛衷撫綏咸得歡心建安九年領丹陽太守為眾所附加綬遠將軍十一年與周瑜共討麻保二屯破之後從權拒操於濡須權欲交戰瑜說權恃重權不從軍果無功遷奮威將軍領郡如故自溧陽徙屯牛渚瑜以永安人饒助為襄安長無錫人顏連為居巢長使招納廬江二郡聞濟陰人馬普篤學好古瑜厚禮之使二府將吏子弟數百人就受業遂立學宮臨饗肄講

富陽縣志

卷十八人物上

周之宋

三

是時諸將皆以軍務為事而瑜雅好墳典雖在戎旅講誦不輟卒年三十九

舊仍

孫皎字叔明

明三國志作朗

靜三子始拜護軍校尉領眾二千是

時曹操數出濡須皎每赴拒號為精銳遷都護征虜將軍代程普督夏口黃蓋及兄瑜卒又并其軍以沙羨雲杜南新市竟陵為奉邑自置長吏輕財能施善交結與諸葛瑾最相得而廬江劉靖江夏李充充三國志作允廣陵吳碩河南張梁輩咸與周旋一時豪傑無不傾心親附常遣兵候獲魏邊將吏妻女以進皎更其衣服下令還之曰今所誅者曹氏其百姓何罪自今以往不得擊其老

弱由是江淮間多歸附者後呂蒙襲南郡權令蒙爲大督皎後繼遂定荊州建安二十四年卒權追錄其功封子盾爲丹陽侯

舊修

孫奐字季明兄皎旣卒代統其眾以揚武中郎將領江夏太守遵皎舊跡禮劉靖李充吳碩張梁及江夏閭舉等並納其善奐訥於造次而敏於當官黃武五年權攻石陽奐使所部將鮮于丹帥五千人先斷淮道自帥吳碩張梁五千人爲前鋒降高城得三將大軍引還權駕過其軍見奐軍陣整齊嘆曰初吾憂其遲鈍今治軍諸將少能及者吾無憂矣拜揚威將軍封沙羨侯吳碩張梁

富陽縣志

卷十八人物上

周之榮

三

皆裨將軍賜爵關內侯奐愛樂儒生命部曲弟子就學後仕進朝廷者數十人年四十嘉禾三年卒

舊仍

孫鄰字公達賁子也幼有令譽年九歲代父領豫章進封

都鄉侯在郡垂二十年討平叛賊政績修理召還武昌爲繞帳督稍遷夏口沔中督威遠將軍所居皆任職會潘濬掌荊州事嘗與陳留舒燮相失燮有罪濬欲置之法人多爲言濬不聽鄰謂濬曰舒伯膺兄弟爭死海內義之仲膺又有奉國舊意今君殺其子弟若天下一統中州士人必問仲膺繼嗣何在答者云潘承明殺之事當奈何濬意遂解燮用得無患赤烏十一年卒

舊修

孫韶字公禮伯父河本姓俞氏孫策愛之列之屬籍後爲
媯覽戴員所害韶年十七收河餘眾繕治京城起樓櫓
脩器備以禦敵權試攻驚之兵皆乘城傳檄備警謹聲
動地頗射外人權使曉諭乃止明日見甚器之卽拜承
烈校尉統河部曲權稱尊號爲鎮北將軍韶在邊數十
年善養士卒得其死力常以警疆場遠斥堠爲務故鮮
有敗自權都武昌韶不進見者十餘年還建業乃得朝
覲問青徐諸屯要害遠近人馬眾寡魏將帥姓名悉對
無遺權歡悅曰吾久不見公禮不圖進益乃爾加領益
州牧假節赤烏四年卒子越嗣至右將軍舊仍

富陽縣志

卷十八人物上周之宋

三

孫桓

臨安志
作桓

字叔武河之子也器懷聰朗博學強記能論

議應對權常稱爲宗室顏淵年二十五拜安東中郎將
與陸遜共拒劉備漢軍眾甚盛彌山盈谷桓按刀奮命
與遜戮力備遂敗走桓漸上兜道截其徑要備踰山越
險僅乃得免恚曰吾昔初至京城桓尙小兒今迫孤乃
至此也桓以功拜建武將軍封丹徒侯下督牛渚作橫
江塢會卒弟儁嗣侯舊仍

孫俊字叔英桓之弟也性度恢弘才經文武爲定武中郎
將屯戍薄落赤烏十三年卒長子建襲爵平虜將軍少

子慎鎮南將軍慎子丞

新採

郭成字元禮初居建業夙負節義漢末大亂獨乘扁舟泛五湖游滄江探奇逐勝以自娛黃武三年賢良徵不起有司敦迫不得已命駕拜武義校尉五年遷黃門侍郎黃龍初以功封永興富春二縣侯食邑五千戶遽表乞身優游泉石時人服其高後卒富春葬縣北樟巖山舊仍

晉

孫拯

三國志作丞今從晉書

字顯世河曾孫也好學有文章作螢火

賦行世仕吳爲黃門侍郎孫皓時侍臣多得罪惟拯與顧榮獲全常使二人記事答顧問乃下詔曰自今以後

富陽縣志

卷十九人物上周之宋

无

用侍郎皆當如今宗室拯顧榮儔也吳平後入晉爲涿令甚有稱績太安二年平原內史陸機爲成都王穎都督辟拯司馬穎信孟玖讒收機與弟雲俱遇害拯訟機冤因下獄考掠兩踝骨見終不異辭吏知拯義烈謂曰一二陸之枉誰不知之君可不愛身乎拯仰天嘆曰陸氏兄弟吾蒙知愛旣不能救其死忍復從而誣之乎玖等知拯不可屈乃令獄詐爲拯辭上穎拯門人費慈宰意詣獄明拯冤拯辭遣之曰吾義不負二陸死是吾分卿何爲爾耶二人曰君旣不負二陸僕亦安忍負君因言拯冤拯遂死獄中并二人殺之舊仍

孫惠字德施賁曾孫也口訥好學有才識永甯元年從齊王冏討趙王倫以功封晉興縣侯辟大司馬戶曹掾轉東屬二年冏驕矜僭侈惠風以五難四不可勸令歸藩冏不能納遂辭疾去頃之果敗太安元年十二月成都王穎引惠爲大將軍參軍領奮威將軍白沙督是時穎將征長沙王乂以陸機爲前鋒都督惠與機聯鄉誼慮其致禍勸機遜都督於王粹及機兄弟被戮心甚傷恨之永興二年乘輿幸鄴東海王越舉兵下邳惠乃詭稱南嶽逸士秦秘之以書干越勸令要結藩方同獎王室辭義甚美越省書榜求其人惠乃出見以爲記室參軍

富陽縣志

卷十八人物上

周之榮

三

專掌文疏與參謀議每造書檄越或驛馬催之應命立成皆有文采補司空從事中郎越誅周穆等夜召參軍王廡造表廡戰懼壞數紙不成時惠不在越嘆曰孫中郎在表就久矣以惠爲軍諮祭酒轉廣陵相遷廣武將軍安豐內史後以迎大駕功封臨湘縣公卒年四十七惠文翰凡數十首

舊修

孫晷字文度伏波將軍秀曾孫也爲兒時未嘗被呵怒顧榮見而稱之謂其外祖薛兼曰此兒神明清審志氣正立非常童也及長孝敬清約學窮理奧每獨處幽暗之中容止瞻望未嘗傾邪雖侯家豐厚而晷布衣蔬食躬

親隴畝誦讀不廢視父母起居常饑不離左右富春道濱江父難於風波每出乘籃輿晷躬自扶持所過之處欲小憩則於門外木下藩屏之間隱息初不令主人知之兄篤疾經年躬親湯藥倍極經心日跋涉山水祈求懇至又聞人之善欣若有得聞人之惡慘若有失見人飢寒悉力周贍鄉里饋遺一無所受親故有窮老者禮遇曲全久無倦色甚或寒與同衾食與同器解衣推食賙卹無遺時年饑穀貴有生刈其稻者晷見而避之鄉鄰感媿不復侵犯何充辟晷爲主簿蔡謨辟爲掾屬並不就尙書張國明表薦公車特召會卒時年三十八朝

富陽縣志

卷十六人物上周之宋

三

野嗟痛之

舊修

梁

滿璋之魏太尉寵之後也仕梁爲王國侍郎子鸞官吳郡正閣主簿南郡丞王源以女妻鸞梁時連姻重甲族御史中丞沈約彈之云風聞東海王源嫁女於富陽滿氏源叨諸府戎禁預班通徹而託姻結好惟利是求玷辱流輩莫斯爲甚又曰源身在遠攝媒人劉嗣之到臺辨問相承云吳郡滿璋之是高平舊族寵奮胄冑家計溫足源父子因共詳議判與爲婚璋之下錢五萬以爲聘禮源先喪婦又以所聘餘直納妾如其所列則與風聞

符同請免源所居官禁錮終身事見文選沈休文奏彈
王源文 新採

隋

陸知命字仲通父敖仕陳爲散騎常侍知命好學通識大
體以貞介自持初仕陳爲太學博士及陳滅歸於家會
高慧等作亂晉王廣鎮江都以知命爲三吳之望召令
諷諭反者以功拜儀同三司賜田宅復用其弟恪爲汧
陽令知命以恪非百里才上表陳讓朝廷許之時見天
下一統知命勸高祖都洛陽因上太平頌又詣朝堂上
表請使高麗曰昔宣王馭歷旣緩風沙之誅虞舜握圖
富陽縣志 卷十八人物上 周之宋

三

猶稽有苗之伐高麗小醜狼顧燕垂王度含洪每懷遵
養臣請以一節宣示王風使彼君臣面縛闕下天子異
之歲餘授普甯鎮將改待詔御史臺煬帝嗣位侃然爲
百僚所憚帝甚敬之時齊王暕頗驕縱暱近小人知命
奏劾暕竟得罪百僚震慄遼東之役爲東曉道受降使
者卒於師贈御史大夫 舊修

唐

凌華字宗一有謀畧尙氣節以孝友聞年二十以書干丞
相擢崇文館校書郎又以金吾兵曹爲邠甯節度掌書
記涇源之亂以謀畫佐元戎有大功累遷殿中侍御史

遷浙東廉使判官撫巡疲人按驗汚吏吏民敬愛之召爲翰林學士遂爲尙書郎由本官參度支調撥有方以連累出爲和州刺史降連州司馬卒後卜葬於新城柳宗元誌其墓準有史學工文詞著後漢春秋二十餘萬言又著六經解圍又文集未就唐藝文志有凌準邠志二卷 舊仍

孫疆南國處士也常因顧野王玉篇加增字三十卷舊一十五萬八千六百四十一言新五萬一千一百二十九言總二十萬九千七百七十言注四十萬七千五百三十字爲大廣益會玉篇其書要本說文以爲宗成於高

富陽縣志

卷十八人物上 周之宋

三三

宗上元元年甲戌之四月人咸服其博焉 舊仍

孫路有詩名隱居不仕與項斯鄭谷等相友善時有倡酬 舊仍

孫過庭字虔禮右衛胄曹參軍博雅有文章草書憲章二王工於用筆嘗著書論妙盡其趣卽書譜也 新採

吳越

孫鸚字齊賢以奇文遠策見武肅王署越州大都督府文學歷郡縣幕府改臺憲爲郎官判鹽鐵院持禮入貢授少監終於太府少卿領縉雲郡享年八十葬于會稽之南山范文正公爲作墓表曾孫沔在御史府無所回避

有聲朝廷仕宋爲山陽守 新採

劉仁杞官吳越內牙指揮使後唐長興三年武肅王薨時仁杞與陸仁章久用事皆爲眾所忌一日諸將共詣府門請鎮海鎮東節度使錢元瓘誅之元瓘諭之曰二將事先王久吾方圖其功汝曹乃欲逞私憾而殺之可乎吾爲汝主汝當稟吾命不然吾當歸臨安以避賢路眾懼而退乃以仁杞爲湖州刺史 舊仍

宋

許彧少孤事母孝母性嗜魚家貧無以爲供乃由屠山徙居桐洲旋又遷至東梓江濱每食以鮮具一日母病時

富陽縣志

卷十八人物上 周之宋

三

隆冬久雪魚不可得彧對江號泣忽有二鯉躍於江許持歸供母母病卽愈人以爲孝感所致後母卒廬墓三年宋雍熙朝敕表其門遂名所居地曰許孝子故廬事實載臨安舊志 舊修

謝濤字濟之其先陽夏人

臨安志作陝郡人

父從禮泰甯掌書記

爲鹽官令卒官兩世葬富陽號謝墓因家焉濤以文學稱登淳化三年第爲梓州權鹽院判官李順反成都濤畫計守禦以功遷觀察推官權知華陽縣亂後田廬荒廢詔有能占田而倍入租者與之於是腴田悉爲豪右所占流民至無所歸濤收詔書悉以田還主改著作佐

郎知興國軍眞宗考吏籍內出朝士有治迹者二十四
人名付中書省濤在選中召對長春殿賜五品服契丹
入寇議親征以濤知曹州屬縣賦稅多輸睢陽助兵食
是歲霖潦百姓苦轉送濤請以他漕過睢陽者取以餉
軍留漕賦由廣濟河以饋京師詔從之常使蜀選舉所
部官二十餘人宰相疑其多濤乃陳諸吏治狀且曰有
罪願連坐奉使舉人連坐自濤始久之召試以尙書兵
部員外郎直史館遂兼侍御史眞宗山陵成靈駕所經
道路有司請悉壞城門廬舍以過車輿象物濤言先帝
車駕封祀儀物大備猶不聞有所毀撤且遺詔從儉薄

富陽縣志

卷十六人物上

周之宋

三

今有司治明器侈大以勞州縣非先帝意願下少府裁
損之進直昭文館累官太子賓客陳留伯卒歐陽修銘
其德納諸富陽之原范仲淹又爲撰墓志

舊仍

謝絳字希深太子賓客濤之子也以父任試秘書省校書
郎舉進士受奉禮郎知汝陰縣善議論喜談時事常論
四民失業數千言楊億薦絳文章召試擢秘閣校理判
登聞鼓院吏部南曹天聖中天下水旱蝗起河決滑州
絳上疏直言譏切時病仁宗喜納之與修真宗國史遷
祠部員外郎直集賢院以父濤官西京年老請通判河
南府移書丞相言歲凶宜勿治嵩山宮絳雖在外猶數

論事上書言妖人方術士不宜出入禁中權開封府判官時蝗蔽空絳請博訪理官除煩苛之命申飭計臣損聚歛之役勿起大獄勿用躁人務靜安守淵默郭皇后廢絳陳詩白華引申后褒姒事以諷徙度支判官言用物滋侈賜予過制禁中需索去年計緡錢四十五萬今春至四月已二十萬宜歷考歲用裁節初詔罷織密花透背服用既而內人賜衣復取於有司後苑作玳瑁器索龜筒龜筒禁物民間不得有而索之不已民何以堪絳皆論罷之又請罷內降詔令皆由中書樞密然後施行更進聖治箴五篇景祐元年外艱服除擢知制誥判

富陽縣志

卷十八人物上

周之宋

三

流內銓覈舊官圭田之實以多寡爲差知鄧州封陽夏男按召信臣六堰故迹壅水注鉗盧陂溉田至三萬頃未就而卒年四十六絳以文學知名一時爲人平居宴然論事果敢所至大興學舍常請諸郡立學在河南修國子學教諸生自遠而至者數百人好施宗族喜結賓客以故卒之日家無餘資有文集五十卷葬於鄧王安石狀其行歐陽修爲墓志子景初景溫景平

舊修

元奉宗字知禮吳越相德昭之孫秀文子也家世居杭至奉宗厭闐闐囂惡移居富陽景德二年成進士知海門縣地苦斥鹵奉宗爲鑿池注甘泉人甚利之遷博士拜

屯田員外郎告歸天性恬淡常謂家人曰富春佳山水
真吾退居之所焉景祐戊寅冬卒

舊修○按二元舊志
傳入流腐選舉載在

富陽今爲
提入本籍

元絳字厚之奉宗子也幼敏悟登天聖八年進士第調江
甯推官攝上元令民有占人田產恐告者殺其人以滅
口絳捕寘于法甲與乙被酒相毆甲歸卧夜盜斷其足
妻告乙執乙至而甲已死絳勅婦曰歸葬爾夫乙已服
狀矣陰使謹信吏迹其後望一僧迎笑私語卽取僧繫
廡下詰婦得姦狀人問故曰吾見婦哭不哀且與傷者
共席而禱無血污也知永新縣辨豪惡之僞契斷歸孤

富陽縣志

卷十八人物上

周之采

三

子田進著作佐郎改知海門縣江淮制置使建言販私
鹽二十劬以上坐徒絳曰海濱之民恃鹽爲命非羣販
者比笞而遣之擢江西轉運判官知台州大水冒城民
居蕩析絳出庫錢作屋數千區命人自占遂甃其城因
名爲甃以禦湍漲後人守其法入爲度支判官皇祐四
年儂智高叛嶺南宿軍邕州絳以直集賢院爲廣東轉
運使建瀕江水砦數十以待逋寇繕治十五處樓堞械
器皆備軍實有餘以功遷工部郎中歷兩浙河北轉運
使遷鹽鐵副使擢天章閣待制知福州以文學爲吏民
師範罷錢氏時無名之征進龍圖閣直學士徙廣越荆

南擢翰林學士知開封府預議僖祖神主祧遷請以僖祖爲始祖廟從之除三司使拜參知政事數請老神宗命其子耆甯校書崇文院慰留之會太學訟博士事連耆甯罷知亳州入辭帝曰朕知卿一歲卽召矣絳謝罪願得穎卽改知穎州明年加資政殿學士知青州遷都提舉中太乙宮明年以太子少保致仕絳攻文詞一時名人皆推許之詔令多出其手景靈宮十一殿成夜傳詔草上梁文遲明以進告休居家時上遣內使賜白金千兩元豐七年卒年七十六贈太子少保謚章簡詔其家集平生文章上之有文集四十卷讞獄集十三卷子

富陽縣志

卷十八人物上

周之榮

三

耆甯耆弼

舊仍

謝景溫字師直方總角時錢惟演見之曰此兒舉止不凡

當作黑頭公矣登皇祐元年進士第歷縣令通判汝莫

二州江東轉運判官興宣城百丈圩議者以爲罪降通

判知漣水軍熙甯初知諫院邵元直其前事徙直州提

點江西刑獄歷京西淮南轉運使三年景溫歷來未嘗

仕中朝王安石與之善又景溫妹嫁其弟安禮熙甯三

年乃驟擢爲侍御史知雜事王安石方惡蘇軾景溫阿

安石愾劾軾又因言辭向不當得侍從事寢失安石意

改直史館兼侍讀不拜出知鄧州進陝西都轉運使改

知襄澶二州加直龍圖閣判將作監轉右諫議大夫知潭州協開五溪論功召拜禮部侍郎復出知洪州應天府瀛州元祐初進寶文閣直學士知開封府未滿歲改知蔡州三年召權刑部尙書復改知鄆州再立永興軍時景溫言西夏偃蹇終未順命宜罷分畫以馬迹所至爲境朝廷用其說徙知河陽卒年七十七景溫博學洽聞歷事四朝爲時吏師與范仲淹歐陽修友善於兄弟間獨稱壽云舊仍

謝景初字師厚登慶曆六年進士第梅堯臣作詩美之以

大理評事知越州餘姚縣餘姚北瀕海時虞海潮衝決

富陽縣志

卷十八人物上周之采

三

景初爲相緩急設方畧築堤捍之民賴以安業王安石常記其事又豪強率侵湖爲田具奏禁止民又爭水泉乃創立規繩簿記其高下廣狹啟閉晷刻令各鄉遵守名曰湖經有盜湖爭利者證經乃息瀕海多盜煮海乃頒示約束令民無失利法亦罔忤而鹽課倍昔又飭厲學官化誨子弟時景初知餘姚其弟師立知會稽王介甫知鄞韓玉汝知錢唐皆有聲吳越稱爲四賢累遷益州路提點刑獄以屯田郎致仕性倜儻博學能文尤長於詩其壻黃庭堅以詩名家自謂句法本從謝公得來有詩集若干卷其政績載兩浙名賢錄并於越新編舊

謝景平字師宰登皇祐五年進士終秘書丞好學善著書

所撰詩書傳說數十篇

舊仍

孫長者名餘敬字志善臨江鄉人質言直行信於其鄉鄰
里有訟不之官皆云當見孫長者至則開陳事理析其
枉直之狀人皆服而去以是臨江鄉人終歲不識長吏
母病躬親藥物日不交睫及母卒身已病將葬竟卒臨
終語諸子曰吾生不能送母葬死殮以衰經庶盡吾孝
於地下時皇祐間也子式皇祐己丑登第與伯祖忠遷

居慶善里

舊仍

富陽縣志

卷十八人物上

周之榮

四

孫逢吉字彥同博學多文習於典故元祐間撰職官分紀

五十卷入宋藝文志

舊仍

李鞬字彥淵崇甯二年登進士第中大觀三年宏詞科為

會要所檢閱官刊正謚法宣和初提舉廣東市舶居官
廉直珍貨一無所取未幾舶商輻湊召回盜邀之於途
及肱篋隨行書帙而已盜亦斂衽退紹興間舶商以鞬
清節聞於朝除比部郎尋遷吏部秦檜欲以子與鞬女
為婚卻之遷將作監檜屢遣子就學鞬告曰為天子卿
監豈為宰相教子遂丐外持憲閩部易江東既忤權臣
累奉祠不復榮望卒年七十七鞬澹泊寡欲廉直之節

重於一時晚年謂貪與痴已絕獨嗔未盡去因榜其小室曰去嗔所著有去嗔居士集傳載宋史

舊仍

盛立旺二子江陰里人立旺妻病其長子剖肝次亦剖股以療母疾邑令程瑛作詩揭其門嘉定癸酉旌表

舊仍

葛小閏甫九歲習句讀母朱氏病炷香於臂以禱神割股爲粥療之程瑛爲令引見齒未亂也憐其出於天性遂

上其事嘉定癸酉旌表

舊仍

孫明仲當楊慈湖先生爲富陽簿明仲從學聞執事敬一言日夜從事至右手運用左手猶拱其專如此召爲里正時公務方急日出入於里社阡陌間奔走應辦憂勞

富陽縣志

卷十八人物上

周之榮

望

辛苦而此心實未嘗須臾放動也紹熙三年卒其行詣

載黃宗羲宋元學案

新採

李宗勉字強父開禧元年試禮部第一成進士歷官江西運幹真德秀曹彥約薦之嘉定十四年除禮部架閣累遷著作佐郎論對言山東之旅名曰忠義實則桀黠資以備邊而備之者甚於邊又言虎卧垣牆防姦禦變甯過毋不及更宜夙夜震懼以消殃咎明年兼權兵部郎官時李全叛謀已露人莫敢言宗勉獨累疏及之且言欲財計之豐莫若節國用尋改兼右侍郎四年知台州州患大水悉心撫字民無昏墊改直秘閣知婺州端平

元年進寶章閣尋召除尙書郎中兼左司面陳救楮之策願自乘輿宮掖下至百司庶務覈冗蠹節浮泛歲省十萬則十萬之楮可捐省百萬則百萬之楮可捐久而錢楮相當則羸縮之柄自不在楮拜監察御史時方謀出師汴洛宗勉言願愛日力以修內治合人謀以嚴邊防師未可遽出宜觀釁而動用兵未晚又言內降之儆進左司諫明年兼侍講拜殿中侍御史時淮西制置使史嵩之兼知鄂州就鄂建牙宗勉言荆襄殘破淮西正當南北之交嵩之當置司淮西詔侍從兩省臺諫條陳邊事宗勉率合臺俱奏中時弊甚切除工部侍郎兼給

事中仍兼侍講復上疏言憂勤不可移於晏安剴切不可銷於便佞九月除諫議大夫兼侍讀屢言邊事使臣王穉宜早遣回嘉熙元年進端明殿學士同僉書樞密院事進僉書時王穉復求歲幣銀絹各二十萬宗勉言國書不類夷語實有可疑又言輕諾者多後患當守元約可也史嵩之開督府力主和議宗勉言嵩之職在督戰不可以和之一字橫於胸中今所主惟和不無退縮之意必至虛捐歲月坐失事功進參知政事三年拜左丞相兼樞密使守法度抑僥倖不私親黨召用老成如袁甫郭磊卿程公許王萬輩皆相引而進尤樂聞讜言

身居台輔家若貧士趙汝騰常以宗勉爲公清之相以
光祿大夫觀文殿學士致仕卒贈少師謚文清傳載宋
史舊修

糜弁字仲昭開慶中知建昌軍民詞數千立剖決皆洞見
其情蠲未催苗三千餘石豪族有誣民爲盜者獄已具
弁直之武斷之民遂戢事載黃氏日鈔新採

孫祁字翊光宋理宗朝大理評事會審濟王竑獄首白其
冤忤旨以一聯書史彌遠之門曰楊柳春風丞相府梧
桐夜雨帝王家遂退歸督耕課讀若生平未嘗有名位
者壽八十八而卒新採

富陽縣志

卷十八人物上

周之宋

聖

謝安頤進士科分失攷紹興間鸛山渡船爲中貴霸踞民
船不得私渡中貴船必錢足客滿而後駛行甚至中流
覆溺行人苦之名曰買撲買撲者言如撲滿之錢滿而
撲也上下游各渡效之爲害尤甚安頤移書宦官勿聽
乃陳府奏罷嗣因權要受賂旋罷旋復病涉者眾及安
頤通籍叩闈投匭瀝訴其弊奉廷劄嚴禁永遠不許陳
乞買撲諸司遵行而行人遂得利濟新纂

馮驥字德父性至孝母病割股和藥以進登景定進士調
安吉武康簿有聲累遷大理丞時元兵下襄樊驥被薦
協張濡守獨松關元兵至斬其渠帥元將益兵搗之濡

遁驥與弟驥力戰死贈集賢殿修撰事載兩浙名賢錄
新採

朱清字元之自幼力學平居以道義自持爲詩文務底平
實寶祐二年補京學生師事博士施南一與同舍生葉
李相友善景定五年慧出於柳理宗下詔罪已求直言
是時賈似道復相益驕肆中外莫敢指議清與李等伏
闕上書劾之似道知李爲倡嗾其黨誣李僭侈因投漳
州朋從懼累莫敢往省清獨往與之訣且爲具凡飲食
服用之需俾所親護送出二千里外及似道敗李免歸
清候之江上相見無一語慰勞第勉之以風節自終元

富陽縣志

卷十八人物上

周之宋

四

至元間李被召居左揆士趨附恐後清顧之漠然若未
始有一日之雅者李則念清不置數遣人迎致之謝弗
往復以君命召卒不往以布衣終所居在邑之儀鳳都
東山之下鄉人號曰東山先生後崇祀鄉賢復以清與
謝翺配享嚴子陵祠中楊維禎爲立傳

舊仍

富陽縣志卷十八

元

葉李字太白一字舜玉少有奇質補京學生宋景定五年
彗出於柳理宗下詔罪己求直言是時元始祖駐師江
上宋命賈似道領兵禦之會世祖班師鄂州圍解似道
詭爲己功復相益驕肆剋置公田關子其法病民甚中
外毋敢指議李乃與同舍生康棣而下八十三人伏闕
上書攻似道似道知書藁出於李嗾其黨臨安尹劉良
貴誣李僭侈成獄竄漳州似道旣敗得自便會宋亡歸
隱富春山江淮行省及宣憲所司爭辟之俱不應至元

富陽縣志

卷十八人物上

元之明

一

十四年世祖命御史大夫栢威行臺江南且求遺逸以
李姓名上初李攻似道書世祖習聞之每拊掌稱歎及
是具姓名聞世祖大悅卽授奉訓大夫浙西道儒學提
舉李聞命欲遁去而使者致丞相安童書云士君子當
隱見隨時其尙悉心以報殊遇李乃幡然北向再拜曰
仕得行其言敢不奉詔二十三年侍御史程文海奉命
搜賢江南世祖諭之曰此行必致葉李來李旣至京師
召見披香殿曰卿嚮時訟似道書朕常識之更詢以治
道安出李歷陳古帝王得失成敗之由世祖首肯賜坐
宴更命五日一入議事時各道儒司悉以曠官罷李因

奏曰陛下混一區宇偃武修文各道儒學提舉及郡教授實風化所係不宜罷請復立提舉司專提調學官課諸生講明治道其成才者貢於太學以備錄用凡儒戶徭役乞一切蠲免世祖可其奏是時乃顏叛北邊將校或其親暱立馬相嚮語輒釋仗不戰逡巡退卻帝患之李密啟曰兵貴奇不貴眾彼旣親暱誰肯盡力徒費陛下糧餉臣請用漢軍列前步戰而聯大車斷其後以示死鬪彼常玩我必不設備我以大軍踏之無不勝矣帝用其謀師果奏捷自是帝益奇李每朝罷必召見論事二十四年特拜御史中丞兼中書省事李固辭曰臣本

富陽縣志

卷六人物上

元之明

二

羈旅荷蒙眷知使備顧問固當竭盡愚衷御史臺總察中外機務臣愚不足當此任且臣昔竄漳鄉素染足疾比歲尤劇帝笑曰卿足艱於行心豈不可行乎李固辭得許因叩首謝曰臣今雖不居是職然御史臺天子耳目常行事務可以呈省至若監察御史奏疏西南兩臺咨稟事關君國宜令便宜聞奏不應一一拘律臣請詔臺臣言事各許實封幸甚又曰憲臣以繩愆糾繆爲職苟不自檢於擊搏何有其有貪婪敗度之人宜付法司增條科罪以懲欺罔制曰可由是臺憲得實封言事會尚書省立授李資善大夫尚書左丞李復固辭謂臣資

格未宜遽至此帝曰商起伊尹周舉太公豈循格耶尙書係天下輕重朕以煩卿卿其勿辭賜大小車各一許乘小車入禁中仍給扶升殿始定至元鈔恣又請立太學一日從至柳林奏曰人才不可以驟進必訓以德義摩以詩書使知古聖賢行事方略然後賢良輩出乃薦周砥等十人爲祭酒等官凡廟學規制條具以聞帝皆從之時帝欲徙江南宋宗室及大姓於北方李乘間言宋已歸命其民安於田里今無故聞徙必將疑懼萬一有奸人乘釁而起非國之利也帝大悟事遂寢陞尙書右丞轉資德大夫時淮浙饑饉穀價騰踴李奏免江淮

富陽縣志

卷十八人物上

元之明

三

租稅之半運湖廣江西糧十七萬石至鎮江以賑饑民帝欲伐交趾召李入議李曰遐方遠彘得之無益軍旅一興費糜鉅萬今山路險巖深入敵境萬一蹉跌非所以威示遠人也乃止二十五年陞平章政事李固辭許之於是桑哥爲尙書丞相顛擅國政毒及生靈李莫能有所匡救會桑哥敗事頗連及同列久之李獨以疾得請南還揚州儒學正李淦上書攻李言人但知桑哥之罪而不知葉李舉桑哥之罪宜斬葉李以謝天下書聞帝矍然曰葉李廉介剛直朕所素知者甯有是耶有旨驛召淦詣京師二十九年二月李南還至臨清帝遣使

召之俾爲平章政事佐丞相完澤治省事李上表力辭未幾卒年五十一帝常問兵部郎中趙孟頫李與劉夢炎孰優孟頫對夢炎優帝笑曰不然夢炎以掄魁位宰相而附賈似道病民誤國伴食中書無所可否李舊山諸生力詆似道其過夢炎甚遠然其性剛直人不能容而朕獨愛之也李前後被賜之物甚多而自奉甚儉常戒其子曰吾世業備甘貧約惟以忠義結主知汝曹其清慎自持勿增吾過指所賜物曰此終當還官也比卒悉表送官一毫不以自私至正八年贈資德大夫江浙等處行中書省右丞上護軍追封南陽郡公諡文簡傳

富陽縣志

卷六人物上

元之明

四

載元史舊仍

潘生世業農與兩弟奉母間出與人執墾甓治筐筥又爲善工大德間江浙大饑生自度無所得食則母子俱死卽以母屬兩弟自傭回鵲人給母曰兒當傭錢塘得錢米活家母勿憂已而回鵲人轉賣遼東大家遣代戍古北口會有詔江淮子女流徙者無得轉掠使悉還鄉里遂得從遼東還道遇一女鬟問之曰淮產也因饑亂父母棄我今主家遣我歸君南人幸得相隨抵家生諾之遂與操瓢道乞夜泊茅葦中相依日久曾不及亂渡淮女言家通州煩君一送及之家女見父母相持泣問同

來者女具以告父母感其義引生更衣具酒張樂酒半
執醜請曰吾女幸歸鄉里君力也今女尙無字吾家薄
有田園給饘粥願以女爲君執箕帚幸勿棄生毅然謝
曰吾義不敢以若女爲利况吾母弟存亡未卜吾又何
忍卽安此土乎遂告歸母故蓋已三載兩弟亦俱亡生
追制服食其故技於鄉以終吳棻爲作傳

舊仍

黃公望字子久本常熟陸氏子少孤無依依永嘉黃氏長
成遂用其姓爲人聰敏絕倫通百氏說善詩歌尤工畫
山水早師董源晚年變其法自成一家運思落筆神氣
流動畫家有極力不能追者每擬之爲仙品得其片紙

富陽縣志

卷十六人物上

元之明

五

皆寶之至元中浙西廉訪使徐瑒辟爲詩佐未幾棄去
更名堅號一峯又自稱大癡道人放浪江湖無所歸愛
富春山水之勝因澹墨畫大嶺山圖遂結廬於赤亭山
之笥箕泉以終老焉卒年八十餘子孫乃世居富陽

舊修

舊

吳復號雲槎少落拓不羈中年折節讀書晚遊湖海間見
聞益博善樂府歌詩受業楊維禎與山陰張憲齊名維
禎歿爲輯其文集維禎常稱其詩江花多日落天籟或
時鳴雲歸沙嶼白日出水城黃蓋盛唐之選也所著雲
槎集十卷

舊仍

馮士頤贈集賢修撰驥之子也少倜儻有大志稍長折節讀書博雅能文章作詩風格清俊與吳復黃公望齊名舊仍

明

湯宗字正傳洪武間由太學擢河南按察僉事陞山東按察使坐事左遷刑部郎中永樂中擢蘇州知府時連遭水患細民流離逋稅百餘萬石宗不忍急從容勸富民代輸富民感其仁愛皆從其令坐事左遷知州尋陞大理寺丞時外國貢使病故從者誣醫殺之獄成宗閱牘曰醫於貢使素無仇怨豈有故殺之理卒辨其誣河南

富陽縣志

卷六人物上

元之前

六

水災命宗往賑之流移來歸未幾坐累繫獄者十餘年洪熙初復大理丞陞南京大理卿宣德初命清理戎籍於山東時天久旱宗上疏極陳民間饑饉疲困之狀請免租稅蠲徭役罷不急之務上皆從之尋召還卒遣官

賜祭葬

舊仍

姚肇字世初靈峯里人貌奇偉幼吃於言及長強記過人性利厚有孝行洪武庚午以孝廉徵試詩文皆中程度授太常丞改禮部主事調兵部職方司以勤慎稱轉員外郎永樂中陞郎中以薦除雲南右叅議進左叅政論楮幣以安罹法之民塞鹽井以杜私煎之弊永甯有警

討平之以功上聞陞福建右布政使因俗爲治民情悅服宣德初致仕歸自號靈峯老人徜徉山水間吟咏自適流寓西湖與諸耆老作會賦詩一時稱盛事焉卒年八十四所著有蒙齋稿舊仍

陳觀號觀淵靈泉里人洪武庚午鄉薦除福建延平府教授爲諸生講究經史條分縷析士心悅服歲滿調湖廣黃州教授法如延平七年居內艱服除陞國子助教尋以目疾請外改補武昌教授篤躬行黜浮文上下信之秩滿諸生乞留事聞調荊州教授師道益振滿考諸生復請留觀引年致仕居官五十餘年歷教五學六司文

富陽縣志

卷十八人物上

元之明

七

衡門下士擬魏科躋臚仕者相繼及歸囊無長物詩文盈笥時年七十四自號歸山老人八十三歲卒著有文集若干卷舊修

陳源字復初祥風里人洪武間由邑庠貢南雍卒業授山西沁源縣訓導尋調福建興化江西饒州河南鄭州遷汜水教諭所至稱職士論翕然署縣事廉慎公勤循聲大起秩滿當調士民籲留大府疏上詔報可後卒於官汜人哀思留葬於其邑子銓鈍皆以廬墓遂家焉以子貴贈承德郎兵部職方司主事新纂

趙新字日新號養齋靈峯里人永樂乙酉鄉薦入太學與

修永樂大典授工部屯田司主事精敏辨決督儲轉餉長於運籌宣德四年擢吏部稽勳司郎中公勤清慎時論重之五年工部尙書黃福請於濟甯北衛輝南近河地屯田省運慎選官屬首舉新等不果行八月陞本部右侍郎既而巡撫江西綜核吏治官無廢務理漕運均徭役勸強植弱抑貪揚清風俗丕變會歲饑設浚賑貸臨事籌畫勅中機宜十年之間興利除害俱有成績常以漕淮之舟運江西之粟兵農兩利民甚便之同時與周文襄于忠肅並稱云正統二年以父晨壽八十有八陳情歸省父子金紫曲盡孝養鄉人莫不榮之作家訓

富陽縣志

卷十八人物上

元之明

八

十條示子弟大約皆修己讀書事親務本之要六年還朝理部事十年疏言銓衡四事上皆從之命詐匿親喪者罷爲民著令十一年中官王振專權不事阿順與尙書王直等下獄尋釋十四年三月命巡撫山東及直隸鳳陽等四府以賑濟失業之民景泰初進吏部尙書改南京以年老致仕

舊仍

金叔剛字彥真坊郭人爲人端方嚴重居家以孝聞親死廬墓三年邑人重之永樂三年以薦擢監察御史上疏言富陽徭役繁擾請除馬頭軍一十八家從之未幾以駙馬某怙寵耑權三疏奏劾因直言坐死嘉靖二十五

年邑人周美俞桶等公舉崇祀鄉賢

舊仍

何恭字致安坊郭人永樂乙酉鄉薦入太學與修永樂大典授山東益都縣丞奉浚循理秩滿擢吏科給事中出入風議屢有建明丁內艱未闋以薦奪情補貴州右叅議會洞苗剽掠邊鄙恭下令開陳禍福相率歸命事聞進秩陞廣東右叅政請告歸

舊仍

孫坤字景佑慶善人中永樂乙酉鄉試卒業太學任工部主事居官廉謹尋陞本部郎中才能益展旋以疾卒

舊修

孫景明字克正洋漲人孫鍾之裔登永樂戊戌進士第擢

富陽縣志

卷十六人物上

元之明

九

福建道監察御史改揚州府推官調臨江折獄詳慎治無冤民有瑞蓮生廳事沼中陞知涿州惠政及民蝗不入境調潁州興學校恤流逋麥秀至三五歧民歌誦之

舊仍

周文字顯謨坊郭人永樂癸卯鄉薦授福建武平教諭闡明聖教造就人才名流顯官多出其門九年考滿擢河南道監察御史正統間中官王振方用事文抗疏論之學士倪謙內艱奪情文固請聽謙終制識者重其敢言十四年鎮遠播州苗俱作亂頗猖熾朝議命文督兵至則單車詣賊宣諭國威賊果歸欵卽命巡按貴州明年

苗蠻復亂文奏乞調兵運糧征之賊大敗凱旋景泰二年冬巡撫廣東會殘寇復叛文親督軍平之請以其地建順德縣設官分治民賴以安百度振揚粵人稱數十年來僅見云未幾以艱歸卒於家文出入中臺介直自矢儼然不溜其歸也囊橐蕭然著有周顯謨奏議舊仍

陳冕字文中觀子宣德元年舉人授山東鄒城教諭修築沙灣有功陞教授比沙灣復決冕奏欲永息此患在用人得宜司空惡其專請檄山東巡撫督冕成功否則械送闕下甫得旨給事陳嘉猷上言朝廷榜求治河之略竟無一人言冕固有修河成效部曹嫉之必期置之有

富陽縣志

卷十八人物上元之明

十

罪之地冕不足惜如國計何上遽收回成命正統十三年刑部尙書金濂平江伯陳豫征鄧茂七舉冕參軍事招撫流民寇平復職仕終國子監監丞舊修

陳銓字文衡源長子宣德乙卯舉於鄉正統壬戌成進士授兵部職方司主事以平劇寇功擢山東濟南府知府居官廉慎明敏剛斷有爲吏民皆威感之尋乞休因父葬汜水與弟鈍同占籍於汜歲時伏臘嘗回富陽而子孫遂爲汜水人矣新纂

邵麟字顯郊開化里人正統十三年以貢生授四川忠州吏目居官廉謹任事果斷十四年貴州鎮遠府四川播

州所屬苗獠作亂上命御史周文偕靖遠伯王驥往勦
麟奉檄從征與湖南僉事沈慶同事畫策破賊險隘賊
懼歸欵紀功景泰三年上命侍郎李賢副都御史洪英
等分巡直省考察庶官所部長吏多解綬去任麟以赴
京考滿未行遂往迎巡撫喜卽令署本州事益施善政
大得民心陞本府同知尋署鄆都縣德惠在民民爲之
謠曰民食缺邵公舖民衣破邵公補邵公去後民無釜
任十三年前後報最以父母年登八旬請歸養抵家攜
俸餘呈二親前先具膳資分給諸兄弟別無私財後不
復出卒於家

舊修

富陽縣志

卷十八人物上

元之明

十一

邵陽字體乾麟季子以序貢授刑部照磨與張聰友善及
聰相要同議大禮執不從爲胡端敏公世甯所重陞鄖
西知縣諭降劇盜鄖民立祠祀之暘擅詩名與同僚倡
和有悠然集子琢字成夫以歲貢授大浦訓導邑初建
導以文學遷彝陵州學正定冠婚喪祭燕飲之儀以式
侈靡後致仕歸卒於家

舊修

葉稠字端本慶護里人元尙書丞李之六世孫也有文武
材弱冠爲諸生名藉甚景泰四年舉于鄉成化二年登
進士典試四川稱得人授四川道監察御史因俗爲治
政績丕著轉廣東道監察御史慎刑獄釐積弊境內肅

清旋擢江西按察司僉事鋤強抑暴有勢宦某素行不法爲惡於鄉稠廉得其實飛章劾奏論罪如例一時人心稱快及致仕歸囊橐蕭然論者謂清風儉德不愧其祖云卒年七十有七

新纂

何良字永年坊郭人年十四母病割股和粥以進病卽愈父病躬侍湯藥露禱於天乞以身代病亦旋愈及居喪哀毀逾禮水漿不入口者三日宣德七年知縣劉傑上其事初父嗜鱸魚沒後奉主入祠先一日得巨鱸供奉又夢母思鹿肉及奉主入祠又得一巨鹿以祭人皆以爲孝感所致云

舊仍

富陽縣志

卷十六人物上

元之明

十二

何訥字養仁永年子事父及母鍾氏竭盡孝養或他出雖雨雪必歸不忍一宿離其親父沒負土成墳結廬墓傍以居有猛虎巨蛇常過廬不忍犯終制日羣鳥飛遶墓側人皆以爲孝感所致成化三年旌表後崇祀鄉賢

舊仍

孫景祺慶善里人正統間歲歉民饑景祺發家儲積穀一萬三千三十石賑之民賴以存活者甚眾邑令上其事於朝朝命行人齎敕旌之曰義民竝犒以羊酒景祺詣闕謝恩及南還通政使李錫作序寵其行

新纂

孫顯宗字存義惠愛里人博學嗜古親賢樂施成化甲午

遭歲歉饑民滿道路顯宗捐粟二千石以賑都院劉爲之上聞召至闕下欲官之顯宗堅辭乃於光祿寺賜宴授正七品冠帶遣還旣而重其義復嘉其讓命地方官咨送其孫景南以諸生入鴻詞選顯宗又率景南陛辭於是降勅旌爲尙義之門樹坊當道先時造鎮海樓顯宗亦助千金綜生平義舉仁和張瀚爲之叙其事

舊修

俞膺字古章靈峯里人讀書不求仕進劬學勵品名重一時蕭山魏文靖公驥雅愛敬之與爲石交祈陽甯方伯良禮問政事陳救荒十策多見施行民受其惠凡四方宦浙者必得其詩文以爲重正統景泰間藩臬諸公先

富陽縣志

卷十八人物上

元之明

十三

後薦舉皆不赴會縣令吳堂修葺富陽志禮聘膺與慶善李玉昂同主纂政及堂推任和州知州上書薦於朝遣使徵辟使者至其家驕蹇殊甚膺與觀潮浙江賦詩譏之云本來一派尋常水放出許多聲勢來迄不應徵歿後縣令鄧淮訪其遺稿曰此非詞章之學爲錄饗天等集傳之恤其家并請崇祀鄉賢祠今其里人爲建專祠於漁山之玉屏山并修其墓春秋致祭焉

舊修

夏賚靈峯里人成化庚子舉於鄉博學能文尤湛於經術授河南息縣教諭教士悉依先儒成法修息縣志文詞爾雅士論翕然調湖廣麻城教諭賚家世習春秋嘗剖

明箋疏傳注微言奧旨爲諸生講貫聞其緒論人盡通
經於是麻城春秋爲天下所推重以學行特擢翰林院
檢討卒祀麻城名宦祠

舊修

陳曉山隱居讀書耽情山水以吟咏自適別號春江漁者
舊仍

何洽字允仁坊郭人宏治庚戌進士選庶吉士補翰林院
檢討時興岐諸王出閣例應選進士官翰林者十人爲
長史侍王而洽與焉十人詣部請滿考得仍改翰林吏
部尚書耿裕持例不可十人語侵之裕奏聞下詔獄已
而會災異寬恤得釋補洽布政司照磨尋改石首知縣

富陽縣志

卷十八人物上元之明

十四

至任築城衛民建學教士洽績茂著未幾調豐城興利
釐弊去後民思建祠祀之陞高唐知州時劉瑾檄辦黃
金獨洽不受命部察註上考改南京國子學正未幾除
知山西吉州甫受篆聞外艱不待報而歸洽卓然自命
言行皆有矩矱屢任州縣囊無長物三校鄉闈得士稱
盛與胡端敏公世甯素稱石交爲子樞娶世甯女嘗謁
方方伯良永良永與洽同年進士命諸子出侍坐曰令
兒輩觀何先生德容也正德七年卒時年六十方易簀
時整衣冠端坐正寢屏去婦女呼門人子弟列侍日不
歿婦人手也著有何檢討集

舊修

邵琇字佩之號曉峯開化里人麟之孫也貌英偉曠達不羣行文卓犖博綜典籍常與錢塘田汝成李璣衡輩爲文社有聲入南監師湛甘泉若水嘉靖辛丑授四川崇慶州判官巡按謝瑜知琇才俾令決疑獄是非立剖瑜因選屬吏三人隨巡而琇居其一是年十月瑜劾嚴嵩郭勛等爲四凶爲當事側目又明年瑜復命坐謫忌者因謀中琇遂落職歸琇在蜀多吟咏如新津晚霽詩山巔暮靄鵲呼出松頂晴雲鶴載還三巖寺詩花老不煩風力落等句俱爲當時所稱至以佳句相呼如張三影云琇天性孝友晚年精力如少壯時蓋曾遇異人傳內

富陽縣志

卷十八人物上

元之明

十五

養術云卒年九十四有曉峯集若干卷

舊修

何樞字壽卿洽季子也以序貢授衡山訓導言行規矩有父風爲胡公世甯婿世甯掌憲時有巡按御史爲世甯門下士當典試因世甯生平無私托特謁胡夫人請命夫人以婿屬之卽謂樞也樞聞之不肯往謁竟不售

修

舊

孫濡字惠泉慶善里人嘉靖壬辰選貢任長葛縣知縣清介絕俗不受一錢有宦官因索金不遂脅之遂辭職去官日邑民遮道攀留不得爲建廟以祀之

舊修

孫商偉嘉靖癸丑歲貢授福建甯德縣教諭居官課士確

守成規四十年十月閩廣流寇自邵武轉掠犯甯德以有備遁去又明年二月倭破平海自福甯襲甯德陷焉叅將王夢麟戰沒知縣李堯卿被殺倭寇入學宮欲挾商偉行商偉曰我學官也職死學中去此一步非死所矣遂死夫子像幕前邑諸生陳請於總制胡宗憲具題報可卽諭福建甯德入名宦祠浙江富陽祀鄉賢祠諡曰忠烈

舊仍

何美字秀夫號蠡山少孤負異姿嘗值里役至縣邑尊呼之前試以題輒能應遂免役歸更篤志學業弱冠廩於庠嘉靖初入貢京師時章滂居次貢美與滂遇滂曰君

富陽縣志

卷十八人物上

元之明

十六

少年當登第愚老矣非敢望也美謝不敏竟揖歸滂遂得售越丁未始與選入南雍旋滂以甲午舉北闈美以庚子舉南闈時人謂之二雋美宅心雅淡口不言利學宗姚江與龍溪緒山稱執友每於良知之旨往復論難無間屢上春官不第士論惜之大學士呂本雅重其人延館西席主賓甚相得會趙文華督師江南以美浙人憚其在呂左右設言餽之疏請叅督府事賓禮甚恭是時總制胡宗憲與巡撫阮鶚議勦撫不協文華深以爲憂美請身往解之爲開陳大計條析利害兩人咸感悅謝前愆因各致殷勤酬以重幣悉卻之歸報趙卽拂衣

歸不復相見初母夫久鄭早寡美依膝下不忍頃刻離
後館京師思親眠食俱減晚歲授北直永平教授陞靈
璧知縣居官以德教淑民有古循吏風改江西益王府
教授誘掖匡正多所裨益王深敬禮之引年歸卒年八
十四子春福年十一補弟子員旋廩上舍名聞一時未
及貢卒

舊修

章滂號佩弦臨湖里人嘉靖甲午舉人少負才名試輒冠
曹爲諸生領袖晚遇何美穎異逼人滂推重之訂爲筆
研交先後第兩雍一時稱爲雙璧授直隸廣平府同知
陞王府長史以詩文擅一時盛名與同邑邵琇等互相

富陽縣志

卷十八人物上

元之明

七

倡和所著詩文稿今失傳

舊修

高澤字瑞泉靈源里人明嘉靖間任保甯府經歷調署通
江縣事致仕歸薦鄉大賓旋卒山陰徐渭嘗客其家弔
以詩云當代推賢吏河陽花更栽循良思茂績風雅屬
仙才矯厲雲間鶴清芬月下梅通江遙望處士女尙餘

哀

新纂

陳起龍號雲從祥風里人領萬曆乙卯鄉薦崇禎戊辰成
進士授建昌推官慎獄釐弊前後條上十有四事凡便
民諸政具載於李旰窾言一書擢江西道監察御史已
而巡按江南時流寇縱橫楚豫江南皖城諸郡邑在江

北者蹂躪殆遍於是特敕監軍至則所在旱蝗起龍以地方災傷入告乞蠲緩改折各就分數多寡章凡數十上每上皆萬言愛民憂國藹然溢於言外高淳縣以廣通壩淹田賠納十餘萬畝虛米多歷年所至是奉旨均派皆起龍力也庚辰再命督學江南上臨軒召問何以措置得宜興起教化使國家收得士之報起龍對首重德行上頷之隨命曰爾能破情面取真才天下何患不治蒞任一以敦崇古學爲先愛才下士孤寒者至於感泣未幾外轉廣西桂林道叅議壬午遷江西南瑞道副使適值奉新土寇猖獗起龍躬擐甲冑選將衝鋒計擒

富陽縣志

卷十八人物上

元之明

十六

賊魁李夙十劉義五等誅之又用間收撫吳勝八先斬前鋒賊老明等自効餘眾始就撫甲申改福建布政司叅政分守漳南時賊江世英等往來剽掠漳潮間起龍修理城具選練精銳全郡恃以無恐間嘗單車赴賊巢諭以朝廷威德身家利害除令之不便於民者除官之爲民蠹者賊皆俯首流涕誓死不敢叛德未幾雲霄撫寇告警起龍疾馳至浦城賊已據盤阨嶺起龍曰險易未習宿衛未周浚當先守後戰乃分隊登陴四門懸燈擊柝身先士卒週巡三晝夜口不嘗食目不交睫賊勢不支其首徐連等鳩黨數百乞撫起龍度此屬忽撫忽

叛恣在不赦審其桀驁者盡斬之諸寇悉平乙酉四月
竟卒於官士民號泣爲之持服三日初鄭大將軍芝龍
威福自侈地方官宰不敢正視起龍每見必曉以大義
且囑善保功名鄭爲心折至是亦泣然流涕合辭請祀
漳南名宦祠其任司李時盱人士亦建生祠於泮水之
旁爲文以記之及巡按江南邑人又樹請復民收德政
碑而漳南名宦祠序文則侍郎何楷所撰也起龍素志
澹泊居家兩事後母謹盡色養諸所有推與弟效龍共
之友愛靡間同母女弟適楊榮成早寡攜與同居教二
孤甥同於己子邑人雅相推重祀鄉賢祠

舊修

富陽縣志

卷十八人物上

元之明

十九

馬邦良字汝萃臨湖里人萬曆十四年登進士第授丹徒
知縣擢戶科給事中轉禮科左給事中遷福建叅議轉
副使擢行太僕寺卿初任丹徒釐革利弊有政聲居臺
垣多所建明官閩時資助錢士鰲之喪爲理後事有長
者風崇祀鄉賢

舊仍

裘如壅號雲峯年弱冠爲布政司從事以清慎勤敏自矢
考績銓曹授贛州衛經歷奉檄巡視閩廣兵得眾心未
幾陞峽江年方壯不就乞養歸家居四十餘年課子孫
修譜牒立祀田動合古恣卒年八十有二

舊仍

周柯號一巢坊郭人文曾孫也父繹以宦裔食貧自產柯

遇事輒稱意及長身任家事農桑什一多倍獲家復饒裕又樂于爲善遇歲歉捐粟賑饑有疾破舍醫藥棺柩寒卽施衣纊間有鬻妻質子者必傾貲贖之由是邑人無告及稱貸者咸奔走其門伯子美季子羔相繼貴諸孫並領鄉薦衣冠世族富春推第一云

舊修

周榮號平齋文曾孫也少孤兄柯主家政榮喜讀書兼通藝術善書法兄死始操家務見子錢契券年稍遠者累數千金嘆曰田園亦足自給何必營營爲作三布囊束于臥樓之梁或持鏹償者告曰舊契已毀不取矣萬厯戊子歲大稔熬粥糜十數缸設厰恩波橋上以賑飢民

富陽縣志

卷十八人物上

元之明

三十

或斃于賑所卽爲棺殮如是者數月民賴存活甚眾尋以太學生授南京鴻臚寺序班未滿考卽致仕歸

舊修

周吉臨字景日父燮太學生家素封賦性慷慨凡邑中有大興作俱待之以舉行時學宮傾圯捐千餘金葺之復建諸祠宇修城隍廟皆輸助無吝色子國鋹克承父志值歲饑出所蓄米爲糜粥以濟貧民天寒又給絮衣存活無算會有無賴子先以產抵錢後欲負其值控於官鋹不與較悉檢其券還之無愠色邑中街衢湫隘泥濘行者甚苦鋹買石鋪砌數百丈至今蕩平吉臨父子所建立有裨富陽者實多邑父老猶能道之

舊仍

陳軒太平里人居家孝友自祖父及子若孫逾二百人五世共爨軒主家政擇羣從賢能者一人督耕桑一人司出納凡日用衣食祭祀令節咸有規則俾其遵守冠昏喪祭一依家禮量歲入多寡酌爲豐儉公製衣服冠帶架陳一處遇有親朋慶賀使羣從子弟依次取服歸復藏故處不分彼此焉食指雖多男女量度才力授以職業耕作織紉各有程限不致荒嬉嚴立訓約婦女不得干預家政長幼和睦內外肅雍無間言如是者有年里人咸歎爲不及焉

舊仍

邵繼稷字子才琇季子也萬曆乙未歲貢授南直華亭訓

富陽縣志

卷十八人物上

元之明

三

導教士有成法每月庭集諸生論文講藝飲酒賦詩道義之中洽以性情所拔士如顧之璿陳敏吾俞廷諤輩卒成名家至今人士猶稱道之轉陞雲和教諭雲和士風樸厚乃灌以文學津津日上師道益尊在任兩載以病乞休家居二十餘年周卹里黨誘掖後進稱貸不索逆出己貲代贖鬻妻及子者凡所作爲日有課程卒年八十七所著有經驗良方若干卷詩文前後集四卷從

祀華亭名宦祠

舊修

章應龍號南塘大源里人其先人得吉壤葬親而應龍生因以名焉性豪邁好爲人排難解紛初入太學以詩酒

自娛所歷名山水皆有題咏尋議敘授大田縣尹歲饑竭力賑濟民賴全活者萬計久之致政歸以餘祿給宗黨鄉里無不被其惠者

舊修

孫樞號龍峯慶善里人父汝被誣陷獄樞方十齡日夜悲號會仇家以重貲賄織造獄成五年適按君徐公歲終回省樞赴水籲冤按君廉得其情立時提釋表樞孝行

樞壽逾九十屢薦賓筵子大賢

舊仍

孫大賢號襟陽慶善里人性剛方遇事能決在太學時孫丕揚爲御史凡所抗疏皆其草也授官鴻臚寺序班餘姚相以同宗與商去就大賢曰葉臺山非眞殷憂國事

富陽縣志

卷十八人物上

元之明

三

乃心王室者遂決計歸五子長伯玉自有傳

舊仍

章繼華號養眞應龍次子以國學生滿考授北城兵馬使時魏璫專擅諸賢遭慘禍繼華爲之悉力經營病者醫之刑者膏之逐者贖之死者瘞之璫聞恚出繼華湖廣都司經歷及璫敗將與譴逐諸賢同時內召而繼華病

卒官子希義

舊修

華士磨字時瑞臨湖里人生而穎異讀書卽能通大義年十五補諸生試輒高等隨父任興國教職父卒於官扶喪歸葬廬墓六年每日必泣母病籲天割股以進病立愈守身高潔不慕勢要方伯王畿延爲兒子師及陞任

使者求一見不可得萬曆丁巳以歲貢授金華府訓導
居官以講學行善爲教不屑屑於儀文瑣節考卽
挂冠僚友縉紳及門下士挽留不得率爲詩文以美之
家居後杜門謝客手不釋卷又六年而卒 舊修

何春畿字震陽美從子也幼有異姿讀書過目成誦十歲
善屬文命題立就年十四卽爲巡按王本固所知取冠
兩浙多士聲聞藉甚後屢舉不第萬曆乙亥以選貢廷
對第一授江西臨江府通判陞雲南新化州知州討平
苗蠻有功未及賞卒於官春畿詩文清綺婉麗多姿所
著四寄編草弁集壯遊集鴻鳴集各若干卷族孫思均

富陽縣志

卷十八人物上 元之明

三

號石城邑諸生雅善吟咏與邑佐王一傑王遵道相唱
酬有石城稿 舊修

吳梯字仲升號百丈貴樂里人讀書爲文章務自立堂奧
恥駢偶靡儷之習詩亦贍雅多丰骨不作近體自謂文
宗兩漢詩建安晉宋以下不屑也爲人負氣傲岸少所
推許自號曰東南第一狂生獨與仁和胡廷試一見如
舊廷試氣豪邁見梯不覺自折兩人行相伉亦心相服
也時人謂之二狂仁和令劉洪謨聞而相慕延致之會
同遊湖山言及田汝成志西湖美且備矣而獨不及作
賦梯自言嘗有意爲此請授楮筆據案疾書立成三賦

奏上中如瑤草封雲丹霞映鳥似洞庭兮波滔儼桃源
兮人迷忽吞吐兮日月通閩風兮天池搖空碧兮煙波
淡蕩簇羣玉兮絕巘嶙峋天開金利之畫簷飄風語之
鈴屋鑿巖藏之宇崖黏石墜之星等句極其奇麗一席
爲之傾倒屢試冠軍不第所著東南生四部稿八卷今
存其一又與鄭之惠等編輯馮氏經濟類編又山水清
音等集無考晚善華玘周吉士華玘祥風人留意古學
工博士家言每試輒壓卷爲古文辭尤工駢語撰有雲
會樓稿玘於梯爲先輩吉士爲梯後輩皆遜梯爲不可
及云 舊仍

周羔字南甫號古侗兄美登進士羔學務博瞻熟於經傳
左國鎔鑄成文萬曆己卯錄考杭守劉乙之懸以爲禁
兄美謁藩臬解之始得與試比出闈督學喬奇其文許
爲解元次日秀水陳懿典來造美曰學使者業以元許
家弟今復許君弟若之何勝發則陳一名周二名也屢
上春官不第構幸笑館益肆力於古文辭有李歷下風
而議論勝之己未授南直天長知縣以文學飾吏治當
事重之陞山西延慶州知州旋告歸生平以風節自勵
於郡邑無所造請門牆高峻後進莫能窺其藩焉崇禎
六年卒年八十六所著幸笑館文集石梁草初二集幸

笑館類編制義各若干卷後崇祀鄉賢

舊修

王熙章字綱伯惠愛里人父材己酉鄉薦未仕卒熙章秉
姿聰穎年十五卽廩於庠太守姚公重之丙子舉應天
鄉試庚辰就南直桐城教諭署邑篆值流寇攻圍八閱
月熙章與軍民同甘苦嚴城守戢內奸迄以無患再上
公車不售南歸遇亂兵竟被害

舊仍

陳善教字肄夏開化廩膳生工制舉業性嗜酒每值友朋
較菽談經觥籌交錯達曙不休作文輒先飲斗酒走筆
直書遇試日必偕二三好友歡呼竟夕宿醒未解相將
入試揮灑立就至案發無不冠其曹一時傳爲美談後

富陽縣志

卷十八人物上

元之明

三五

以縱飲得疾天啟六年卒時年五十三

舊修

王之獻字伯徵惠愛人父學粹家藏書卷甚富獻喜讀古
史好詩賦獨厭舉子業入南雍見太學仕郡邑佐貳者
類不得行其志遂不就選所著有吸月軒詩草續詩草
各三卷花木韻譜雜著各一卷重修富陽志十二卷唐
詩合錦六卷古今女音二卷詩餘二卷樂府鵲啼錄二
卷皆不傳

舊仍

周嘉顯初名吉顯字微之羔從子也萬曆丙午舉於鄉蚤
失怙事母至孝性好友聞有佳士必招致之詩酒流連
殷勤不倦交友中或因負才不自得酒酣耳熱盛氣相

凌曾不介意爲文瀟灑多逸致不拘古人成法嘗值風月佳辰高朋宴會飛觴分韻超然有出塵之想與同邑陳善教邵起元最善晚年益肆力於古文詞天啟四年卒年五十有三所著萼綠齋集若干卷

舊修

章希義字集之繼華子爲邑庠生幼力學博極羣書事親孝隨父北城兵馬司任父疾晝夜躬奉湯藥露禱于天願以身代父疾得瘥後父卒于官哀毀骨立扶柩歸葬待諸弟甚友善性慷慨好施與天啟中浙東大饑道殣相望希義盡發所儲粟分給飢民存活無算宗族有不能婚嫁者爲之娶婦擇配不能就學者則捐貲設塾教

富陽縣志

卷十八人物上

元之明

三

之里中爭鬪者不質官而質希義卒年僅三十以子欽文貴贈如其官并崇祀鄉賢祠

舊修

孫伯玉字美之大賢子幼穎悟讀書日累寸性尤孝親卒廬墓三年痛念祿不逮親遂謝舉子業隱居不仕會山寇竊發邑侯朱鐵庵知其才可服眾遂委以招徠之任卽日親抵賊營宣諭德意賊感泣散去邑民得無患旋以疾卒子鋹高讀書克世其家云

舊修

何其靖坊郭里人年四歲喪父兄弟四人復相繼歿靖方髫齡事母曲意承志持家多心計積數年稱素封繼而曰有財貴有用也某處道路多傾圯行人艱阻宜力任

之因揮金獨成其事又助修學校凡親朋宗戚貧乏者多賜卹之薦鄉飲年八十卒無嗣撫姪爲子

舊修

夏璜字人偉靈峯里人幼聰敏爲文不受羈勒崇禎時縣試邑令陳台孫拔置第一遂知名補弟子員性孝父元亮以太學生遊京師十年不歸璜奉母朝夕無少懈母稍拂意必跪請所以顏解乃起尤慷慨尙志節乙酉春江東兵亂大掠江南北里人惶懼不知所出璜乃集鄉丁壯得數十人經營捍衛一境賴以安旣而亂兵大至璜勢單度不免遂自剄鄉黨咸惜之

舊修

陸之衡幼失母事父隆及繼母王氏甚孝繼母有子愛之

富陽縣志

卷十八人物上

元之明

三七

分業自取瘠者以勤儉起家致千金周急里黨賴以舉火者數十家子遵道郡庠生博綜羣書事親孝如其父父所遺產悉以濟鄉里之貧乏者緣此家漸落而處之泰然子吉登甲子鄉榜人以爲積德之報云

舊修

何厚靈字文杰邑庠生少有志節事繼母以孝聞兵燹之後諸弟姪流離悉撫育之賴以成立邑有利弊興革事正義直指無所唯諾子琮弱冠補諸生文名藉藉卒以不售人咸惜之

舊修

陳應召字子覲力行好古不屑爲經生家言屢試輒報罷益肆力古文辭性孝友馭子姓甚嚴姪起龍由理官起

家督學江南應召從中數有贊翊故所在多能聲尤好
施與里中待其舉火者眾鄉人憚其直遇訐訟每恐聞
之嘗納妾及家詢知有夫厚贈遣還不索償後夢神曰
爾積德當俾爾生令子已果舉一子三省登進士舊修
陳應春字子元生有德器重然諾好施與凡救災撫孤厚
生恤死焚券弛傭之事皆出其中之所誠子起龍歷仕
顯途每之任輒勉以忠君愛民外無私言初起龍授建
武司理應春受封如子爵一日由子任道經嚴陵維舟
灘下夜爲暴客所掠見應春封識羣訝曰建武神君父
也誤矣遂躍舟去卒祀鄉賢舊修

富陽縣志

卷十八人物上

元之明

三

馬大行字道卿邑增廣生博雅高才數試不售乃以著述
自娛事繼母陸盡孝母疾篤割股和藥以療之秘不聞
於人有姪早喪遺孤鉉撫若己子卒成立宗族鄉黨緩
急咸倚賴焉崇禎間舉賢良徵辟不就年八十卒生子
三次翀登進士三翀邑庠生亦傳割股救父云舊修

邵起元字貞父繼稷孫也髫齡丰骨凝秀操履端重讀書
日誦千餘言行文軒朗有法以童試第一人入邑庠試
輒冠軍鄉先生咸以國士目之居家孝事祖父不緣文
飾奉繼母及諸弟妹咸敦睦無間言積廩餼銀葬所生
母不煩父命女弟所適廢業迎養於家撫其子如己子

並爲婚配後因祖父喪哀毀不復進取家居課子若弟
思以著述自見年四十四以腹疾卒著有周易本義補
詩說考正春秋正解四書大意并詩古文辭若干卷藏
於家以子貴累贈鴻臚寺少卿祀鄉賢

舊修

陳宏志字君任生而穎異甫能言詩書成誦七歲失怙居
喪哀毀若成人年十五補弟子員博學強記行文以古
人爲法母病終夜露禱其妻施氏乃割股和藥以進病
遂愈撫幼弟成立後析爨宏志僅割居之半而以腴產
悉推與弟同時有邵貞父俞充吾夙負邑望咸嘆服焉
年六十四卒所著有竟成居集若干卷

舊修

富陽縣志

卷十八人物上

元之明

三

裘可敬字汝欽少有至性篤志好學不求仕進晚年手不
釋卷著有千古明良及性理源流二集居家課子孫嚴
而馭下嘗寬聞家人偶詈童婢必怒曰彼亦人子汝曹
不克自奮安知不爲若耶鄉里式爲長者之言

舊修

朱萬邦字正甫江陰里人少穎異童年補諸生有聲試輒
高等廩上庠設帳授徒多所造就父標以剛直爲里豪
所陷萬邦奮身辯訴竟得直遂受知於郡守王畿晚年
學行益進崇禎八年積次序貢不復赴廷試親友多勸
駕喟然曰余結髮操觚未得一當今鬚髮已蒼猶俯仰
諸後生前求榮利邪遂屏迹山中讀書自樂十五年督

學王應華重其爲人奏授嘉興訓導卒年七十五所著文集若干卷

舊修

孫大儀字子範慶善人貌偉岸積學宏博衡文者推爲一邑領袖大儀慨然曰儒生立志當爲天下士豈爲一邑士乎每逢歲科試輒冠軍學使者深器之己酉舉鄉薦上春官不第歸著作益富再蹶南宮竟卒有兩參集藏

於家

舊修

周蒸字雲生坊郭人文曾孫也少嗜古酷好詩文性和雅恂恂若孺子當良朋滿座酌酒賦詩品棋賭弈日夕不倦及兀坐集虛樓構思爲詩古文詞寂若槁木不預戶

富陽縣志

卷十八人物上

元之明

三十

外事崇禎壬午中南闈副榜鬱鬱卒年六十一所著集虛樓集若干卷

舊修

駱從龍大源人才氣駿發詩文多蒼莽高古爲人落拓不羈疎略儀文邑人士咸勿善也獨坊郭周蒸與把臂交相契最深晚年文思益放而意氣更傲自知與世不能諧遂學神仙之術作赤麟記以寓意卒後無子著述多失傳

舊修

俞賡颺字文可坊郭人姿性穎敏博聞強記十八歲爲弟子員屢試冠軍旋食廩餼讀書西湖奉葛太常寅亮爲師學益進風流文采掩映一時年四十一卒所著制藝

詩文人多傳誦之從弟世雲家靈峯慷慨尙義里有程
姓貧甚鬻妻妻矢死不從世雲爲代償鬻資完其夫婦
焉舊仍

周思備字我萬坊郭人幼事父母有至性弱冠好馳馬試
劍有古俠士風年三旬與中表邵貞父談詩文慨然有
當於心遂折節讀書殫心左國史漢騷賦遂以詩文遊
諸名公間又精青烏術不妄爲人用後擇地葬母於江
陰村地爲豪強所佔歷訴諸臺使者得直家廢不顧也
著有園隱集六卷舊修

邵以鼎字震甫開化里人爲邑諸生性豪邁厭薄時名家
富陽縣志

卷十八人物上元之明

三

貧誦讀泊如也嘗栖息西湖兩峯間與錢塘吳太冲交
善吳由中秘進秩司成屢以書招之不赴待人無城府
親友中偶少不檢輒面斥之旣謝過卽歡然如舊晚年
好陶詩口誦不輟一日讀五柳先生傳方數行遽命酒
未入唇若少酣狀卽嗒然而逝年七十三子斌中康熙
己酉舉人舊修

陳天麟字天石開化里人生而穎異一目十數行下於書
無所不窺尤工詩落筆人爭貴之髫齡補弟子員試輒
冠軍崇禎八年考充拔貢生十一年父二曜以歲進士
赴禮部時流賊充斥道路梗塞南北絕音耗適除夕家

人酌椒酒相賀麟泣謂二弟曰汝何賀乎父暮年出數千里外又值兵革無一字慰問恐存亡未可知也言訖淚涔涔下終夕不復寐元旦卽別家人策蹇驢襪被北上遍歷齊楚間無所遇忽經一村落聞後有呼己名者回視之卽父也遂偕歸人咸謂孝感所致曜後以嚴州府學博致仕終老於家麟亦不復就選放懷山水詩酒自娛日居小園灌花著書口不言時事年七十終有魯齋集十卷

舊修

高于理字去浮靈泉人爲諸生有聲交友尙氣誼同里邵鴻臚嘉禾第時遭亂入閩于理經紀其家絲毫無沾染

富陽縣志

卷十八人物上

元之明

三

及卒其友人錢塘蔣芑賦詩悼之

舊修

邵允宜字仙谷開化里人性純孝甫離提抱卽能循古孝子禮扇枕温衾父母異之髫齡失恃事繼母如生母遇鮮果必先進母啖乃始敢嘗父五泉以鄉進士任華亭雲和縣教諭允宜綜理家務課臧獲勤耕織家賴以濟及父歸田家居二十年念親耄咫尺不離酷暑嚴寒潛伏牀側候親熟睡乃休親偶警欬又在傍問安服事迄父喪年已六十有五寢苫枕塊三年不御酒肉哀毀幾骨立人以是無間言云

舊修

孫起觀惠愛里人少有至性父廷楫素性强直爲宗人所

忌值伯兄與從兄忿爭從兄邂逅身死并訟及楫竟坐楫繫獄時起觀年方舞勺二弟並童稚觀往來赴訴多中夜間行沐雨履霜艱苦備至一日夜行遇虎暗中相觸迫視之虎也竟弭耳而去人以爲孝感所致後楫因昭雪還父母兄弟聚順一堂終得遂其孝思云

舊修

屠應昌坊郭里人性至孝親有疾割股以療及歿廬於墓朝夕哀號若將終身焉閭里咸嘉嘆之崇禎七年申請旌獎並給冠帶以榮其身

舊仍

柴文照字文顯屠山里人少穎異能屬文數千言立就爲邑諸生屢試高等學使者校杭郡拔文照爲第一國

富陽縣志

卷十八人物上

元之明

三

初覃恩入貢廷試授縣令尋卒

舊修

張作楫號虛舟江陰里人崇禎元年進士初授大理寺左評事癸酉典試四川乙亥恤刑河南擢兵科給事中抗疏劾樞臣楊嗣昌監軍高起潛縱敵掠民疏凡三上詞益厲左遷江西按察司照磨是時直聲震天下久之陞光祿寺寺丞轉少卿擢正卿作楫爲人坦易簡淡不設城府尤篤於友誼嘗與周吉顯同領鄉薦吉顯素敦交道歿後作楫視其子猶己子邑中人以此多之有樞垣

三疏藏於家

舊修

張作相光祿寺卿作楫弟也由歲貢銓授諸暨縣訓導俸

滿遷奉化縣教諭以代邑令祀兩得士心及國變聞烈
皇帝殉社稷乃具衣冠命子奕濤扶至明倫堂望闕再
拜哭卽以首觸庭柱而死奕濤扶櫬歸葬奉邑士人感
其義爲請崇祀名宦祠

新纂

朱萬式字一甫羅山里人讀書負逸才論古今興廢成敗
如指諸掌爲文章千言立就精深雄悍有不可一世之
概崇禎末國步日棘先生語及時事輒張髯裂眦鬱勃
悲憤若不欲生每徒步訪豪傑於千里之外無所遇退
與樵夫釣師數晨夕唯嫉俗子如仇落落斯世鮮有合
者國變後遂屏處一樓終日僵臥或觀書不及數紙卽

富陽縣志

卷十六人物上

元之前

三

擲去拍案罵人夜輒狂飲比醉瞪目箕踞歌自爲詩歌
罷輒大哭當是時萬式年才三十有一天下猶未定吳
越遺老義不忘明室各豎旗舉義師萬式知事不可爲
獨不出唯落拓放棄不類生人晚年益頽唐不可收拾
人皆以懶目之遂自號懶翁樓居幾四十年服明諸生
服竟獲完髮以終卒年六十七著有懶翁詩集今弗傳
其百梅詩猶有存者

新纂

富陽縣志卷十八人物上終

